

# საბავშვო ჟურნალი



## რა უნდა აკეთოს გეგმვითი სიტყვის რწმუნებულმა.

უკვე ერთ წელიწადზე მეტია, რაც გამოდის ჟურნალი „პიონერი“. როგორც ვიცით, ამ ჟურნალის უშუალო დანიშნულებაა ემსახუროს და დახმარება გაუწიოს ბავშვთა და პიონერთა მასებს. მაგრამ უნდა აღინიშნოს, რომ დღეს „პიონერის“ მხოლოდ მეტად უმნიშვნელო რაოდენობა სალდება. დასაშვებია თუ არა ასეთი მდგომარეობა? რასაკვირველია, არა. ამისთვის საჭიროა გაძლიერებულ იქნას ბავშვების მონაწილეობა გეგმვითი სიტყვის საქმეში. ამისათვის **საჭიროა თითოეულ კოლექტივში და თითოეულ სკოლაში იყოს გამოყოფილი გეგმვითი სიტყვის რწმუნებული.**

გეგმვითი სიტყვის რწმუნებული არ ნიშნავს კოლექტივის საბჭოს ან წინამძღოლს, — მას ირჩევენ კოლექტივის ან სკოლის მოწაფეთა საერთო კრებაზე.

თავისი მუშაობის შესახებ გეგმვითი სიტყვის რწმუნებული იმ უკანასკნელთა წინაშე აკეთებს მოხსენებას. ეს, რასაკვირველია, სრულიად არ უარწყაფს იმას, რომ რწმუნებულის ყოველდღიურ მუშაობას ხელმძღვანელობას უწევდეს წინამძღოლი, კოლექტივის საბჭო და მოწამი სკოლაში. კარგია, რომ რწმუნებულთა გადარჩევა ხდებოდეს ყოველ 4-5 თვეში, რომ ამით უფრო მეტი ბავშვი ჩაებათ გეგმვითი სიტყვის საქმეში.

**რა ევალება გეგმვითი სიტყვის რწმუნებულს?**

რწმუნებული უკავშირდება ჟურნალის რედაქციას. მან კარგად უნდა იცოდეს გამოწერის წესები: რა ღირს ჟურნალი, რამდენი ხნით შეიძლება მისი გამოწერა და სხვ. ის თვალყურს უნდა ადევ-

ნებდეს ახალი საბავშვო წიგნების გამოცემას, უნდა კითხულობდეს მათ შეფასებას ჟურნალ-გაზეთებში.

რწმუნებული ბავშვებში აგროვებს ცნობებს იმის შესახებ, თუ როგორ უყურებენ ეს უკანასკნელნი თავის ჟურნალს და წიგნებს. ეს ცნობები მან უნდა გაუგზავნოს რედაქციას; გაიგებს, თუ რისი წაკითხვა უფრო უნდათ ბავშვებს, ე. ი. რა თემები აინტერესებთ მათ საბავშვო ლიტერატურის დარგიდან, მოაწყობს კოლექტივთან, ფორპოსტთან და მოწამთან ერთად ჟურნალ-გაზეთების გამართლებას.

რწმუნებული არის მთელი გეგმვითი საქმის რწმუნებული კოლექტივში, აქტიურ მონაწილეობას იღებს თავისი პრესის სასარგებლოდ მოწყობილ საღამოში, პრესის კუთხის მოწყობაში, კედლის გაზეთის გამოშვებაში ამისთვის ის აუცილებლად შედის ბავშვობა წრეში და მასთან ერთად ატარებს ყოველგვარ სამუშაოს.

რწმუნებული თვალყურს ადევნებს სათანადო გამოცემათა თავის დროზე მიღებას ხელმომწერთა მიერ. იმ შემთხვევაში, თუ უწესრიგოდ, დაგვიანებით მოხდის რომელიმე ხელმომწერს ჟურნალი, ამის შესახებ შეატყობინებს რედაქციას.

რწმუნებული უკავშირდება საბავშვო ბიბლიოთეკას, ეხმარება მას ახალი და კარგი წიგნებით შესვებაში, თვალყურს ადევნებს ჟურნალების და გაზეთების გამოწერას.

აი ეს უმთავრესი ამოცანები, რომელიც დგას გეგმვითი სიტყვის რწმუნებულთა წინაშე.

მხოლოდ მათი საშუალებით შევძლებთ ჩვენ იმის განხორციელებას, რასაც ისახავს მიზნად „პიონერი“ კოლექტივის ცხოვრებაში.

### შ ი ნ ა ა რ ს ი:

1. თავგანწირული მებრძოლები — ს. კასრაძის . . . . .	2	7. პიონერ-ორგანიზაციის შემოწმება . . . . .	20
2. პატარა ტელეგრაფისტი — თ. მანის . . . . .	7	8. შვეიცარიული კარგი სროლა შ. ვასაძის . . . . .	21
3. ხუთი მდინარის სათავეში — ნ. კეცხოველის . . . . .	11	9. ცნობები რადიოს შესახებ . . . . .	23
4. სოფლის პიონერთა მუშაობა ოჯახში — ბ. ს. . . . .	15	10. რა უნდა აკეთოს გეგმვითი სიტყვის რწმუნებული . . . . .	} კანზე.
5. ჩვენი ძმები მსოფლიოში . . . . .	17	11. თამაშობანი . . . . .	
6. პიონერების სამხედრო ლაშქრობა ზუგდიდში — გ. კელიასი . . . . .	19		



329.153 (05)



მუშათა კლასის საქმისათვის იყავ მზად მწერელი  
საქართველოს

# პ ი ო ნ ე რ ი

1927

15 დეკემბერი

განათლების სასახლთა კომისიისთვის სტენოგრაფიული აღწერის მთავარმართ-  
ველთმის და საფართოველთს მ. კ. თ. ცენტრალური ნაიჭთს (საფ. ა. ლ.  
კომპოზიციის ცუვასთან) ძეგრნალი შავშვილისათვის

წელიწადი II  
№ 23





# საბანდირი და პატივი

მ ე თ ე ვ ე

ჯერ მზე არ ამოსულიყო, და ზღვაზე ნისლი იდგა. ნისლში მოჩანდა ვეებერთელა და თვალუწყდენელი, ქვით ამოყვანილი ნაპირი, სადაც იდგა გემები და სანდლები <sup>1)</sup>.

ნაპირზე არავინ დადიოდა.

მხოლოდ თორმეტობდე წლის ბავში გამოჩნდა შორიდან და ნაპირისაკენ გაემართა.

ბავშს უთუოდ ციოდა, ფეხშიშველა იყო, ხელში რკალბადე ეჭირა, ტანზე მესღვარის პერანგი და ძველი შარვალი ეცვა.

ბავში ნაპირზე მივიდა. დაჯდა. ჯიბიდან სასროლი ანკესი აპოილო და ბაწარს ფრთხილად დაუწყო გახსნა. მერე ანკესებზე ჭია წამოაგო და ზღვაში გადაისროლა.

ბავში გულისყურით მისჩერებოდა თავის ანკესს და სალოც თითს ხშირად გაჰკრავდა ბაწარს.

პატარა მეთევზე კარგად გრძნობდა თითით, თუ როგორ ეტანებოდნენ თევზები ანკესზე დასმულ ჭიას; ეტანებოდნენ, მაგრამ ჯერ არცერთი არ წამოგებულყო.

ბავში იცდიდა.

უეცრად ბაწარი დაიზიდა და ბავშს გული აუთრთოლდა: მან გამალებით იწყო ანკესის ამოღება, მაგრამ თევზი დიდი იყო და წინააღმდეგობას უწყევდა. ბოლოს ზღვის ზედაპირზე გამოჩნდა ფრთხილა თევზი. მეთევზემ რკალბადე მიაშველა და თევზი ნაპირზე ამოიტანა.

პატარა მეთევზემ ანკესი ისევ ზღვაში გადაისროლა, დაქერილ თევზს კი ლაყურებში გრძელი ბაწარი გაუყარა და ზღვაში ჩაუშვა, რომ კიდევ ეცოცხლა.

ასე თევზაობდა პატარა ბავში დიდხანს.

იჯდა და თევზაობდა.

ამ ხნის განმავლობაში მზეც ამოვიდა; მცირედი სიოც ამოიჭრა, ერთბაშად დათბა, და ნისლი გაიკრიფა. ზღვა ოღნავ აღელვდა. პატარა ტალღები სხვადასხვა ფერად აელვარდნენ და ლაპლაპით დაიძრნენ ნაპირისაკენ.

გემებზე და სანდლებზე ხალხი ამოძრავდა.

სადაც შორიდან ქარხნის საყვირი მოისმა და ნავსადგურში გამოჩნდნენ მუშები. ისინი სამუშაოდ მიიჭაროდნენ.

ბავშმა მოწყენით გახედა მიმავალი მუშებს, ანკესი შეახვია და ზღვიდან თევზები ამოიღო. ბევრი დაეჭირა.

თოკზე აცმული დიდი და პატარა თევზები დაუცხრომლად ფართხალობდნენ. ბავშმა თოკი მალლა ასწია და ამაყად გაიღიმა. შემდეგ დასტოვა ნაპირი. ბავში ნელა მიდიოდა.

მან არ იცოდა კარგად—სად წასულიყო. მართალია, თევზები დაიჭირა, მაგრამ მას სახლკარი ხომ არ ჰქონდა, დედა ან მამა რომ ესამოვნებია? მაშ რა ჰქნას?

მეთევზემ ნაბიჯს აუჩქარა; მან სწრაფად გაიარა ვრცელი ნაპირი; ნაპირზე მას ხედებოდნენ მესღვარები: ისინი ყველანი იცნობენ მას; სალამს აძლევდნენ და ეკითხებოდნენ:

— ჰეი, შენ, როდის დაიჭირე ამდენი?—

— მაშინ დავიჭირე, ბიძია, როცა შენ შუა ძილში იყავი, —ნიშნის მოგებით უპასუხებდა ბავში და ისევ მიიჭაროდა.

ბავშის ასეთი სიტყვა მესღვარებს აცინებდა, ხოლო ის, ვინც პასუხი მიიღო, წვერებს იქექდა.

## სეილა და აგაფონი.

ერთგან ნაპირზე დიდი ეზო შემოელობათ. ეზოში იდგა მრავალი შენობა: საწყობები, სახელოსნოები და სამკვდლოები, სადაც დილიდან საღამომდე წარმოებდა მუშაობა.

მუშაობდნენ ღურგლები და ხუროები:

ზეინკლები და მკედლები დაულალავად სცემდნენ უროებს გრდემლზე, სქედდნენ რკინას, და ლითონის ზრიალი გაისმოდა შორს, შორს.

აგერ ერთო კოცონი და დუღდა ფისი; ეგერ ზღვიდან ნაპირზე უზარმაზარი მანქანებით აჰქონდათ სანდლები და კატარლები. <sup>2)</sup>

<sup>1)</sup> სანდალი—იალქნით მავალი ნაწი.

<sup>2)</sup> კატარა—მოვიწრო გემი.



ბავში ნაპირზე მივიდა.

აჰქონდათ, რადგან დაძველებულიყვნენ, მიმოსვლისათვის არ ვარგოდენ და საფუძვლიან შეკეთებას საჭიროებდენ.

ნაპირზე ატანილი სანდლები და კატარღები იმდენად დიდრონი იყვნენ, რომ წვერულვაშიანი მამაკაცები მათთან შედარებით ბალებად მოჩანდენ.

და, აი, ორი წვერულვაშიანი მამაკაცი ფუსფუსობდა ატანილი სანდლის ირგვლივ. ერთი მათგანი იყო მოხუცი, მეორე ჯარმაგი.

მოხუცი სანდალს თევავდა, ჯარმაგი ფისს ადუღებდა; მოხუცმა უთხრა ჯარმაგს:

— დატრიალდი, ავაფონ, თუ კაცი ხარ, ფისი მომაშველე და საქმე გათავებული იქნება. ავაფონს არ ესმოდა. ან რას გაიგონებდა ასეთ ხმაურში? ჯერ როცა მოხუცი ეუბნებოდა მას, თვით მოხუცს არ ესმოდა თავისი სიტყვები. მოხუცმა ხელმეორედ დაყვირა:

— ჰეი, ავაფონ!

ჯარმაგმა გახედა მოხუცს და ჰკითხა:

— რა გინდა, სეილა?

— რა მინდა და ფისი მომაშველე, ავაფონ, ფისი!

ავაფონმა ქვაბიდან მღულარე ფისი ამოიღო.

— ბიძია სეილას და ავაფონს გაუმარჯოს! — გაისმა ამ დროს წკრიალა ხმა და სანდალთან ჩვენი პატარა მეთევზე გამოჩნდა.

მას ბაწარზე აცმული თევზები ხელში ეჭირა და სახე გაოფლიანებული ჰქონდა.

— აა, გაგიმარჯოს, — უპასუხა სალამზე ბავშს სეილამ, მერე თევზებს შეხედა და დაუბატა:

— ყოჩაღ, გოგი, ყოჩაღ!

პატარა მეთევზემ თავმომწონედ გაიღიმა.

ავაფონმა სეილას ფისი მიაწოდა და სახელოთი ოფლი მოიწმინდა; ბავშს თევზები ჩამოართვა და დაათვალიერა.

— აი, ყოჩაღ, ბიჭო! — ამანაც შეაქო ბავში გეტყობა, ადრე ამდგარხარ, თორემ ამდენს ვერ დაიჭერდი, — ხალისით ამბობდა ავაფონი და ჯერ კიდევ ცოცხალ თევზებს სინჯავდა.

ბავშმა გაიცინა. ავაფონი გოცდა: ისეთი რა ვთქვი, რომ გოგი იცინისო? — და გოცებულმა გადახედა სეილას.

— ეხ, რა ადგომა უნდა გოგის, განა არ იცი, რომ ობოლია და უსახლკარო?

ავაფონს თითქოს რაღაც მოაგონდა; უსიტყვოდ გადასცა გოგის თევზები, გაბრუნდა და კვლავ მუშაობას შეუდგა.



მან გამაღებთ იწყო ანკისს ამოღება.

სეილამ კი ბავშს თავზე ხელი გადაუსვა და გაისტუმრა. გოგი სამიკიტნოსკენ წავიდა.

### მ ვ ა რ ვ ე ლ ი.

ავაფონი დაფიქრებული მუშაობდა.

მუშაობის დროს მან ხმაურობა და ხშირი სიცილი იცოდა, მაგრამ ახლა ხმას არ იღებდა; ის გასცქეროდა მიმავალ ბავშს; ბოლოს, როცა გოგი თვალთაგან მიეფარა, ავაფონს უეცრად რაღაცა ახრი დაებადა და სიხარულით კინაღამ შეჰყვირა:

— ჰეი, სეილა! — ხმამალა დაუძახა მან მოხუც ამხანაგს და სიბილით გასწია მასკენ. სეილა გაკვირდა. სეილას თვალი ვერ მოემორებია ავაფონისათვის და ხელში უძრავად შეჩვენოდა ფისში ამოვლებული ფუნჯი.

ავაფონი მოვიდა.

ამას თვალეები აღვზნებოდა და აღელვებული იყო.

— სეილა, გოგი ხომ ობოლია? — დაიძახა მან მოსვლისთანავე.

— ჰო, ობოლია, — უპასუხა მოხუკმა.

მაშინ ავაფონმა გულკეთილად გაიცინა და დაბეჯითებით დაუწყო სეილას საუბარი. ის ამბობდა: ბავში ცოდვია, მას მოვლა უნდა, თორემ დაიკარგებო.

— მია უფრო, — ამბობდა ავაფონი, — უსახლკარო ბავშებს ახლა თვით სახელმწიფო უფლის. არა, რა ავაფონი ვიქნები მე, თუ გოგის ეგ არ ვასწავლე და გზაზე არ დავაყენე? —

სეილა დაფიქრდა და ამხანაგის ახრი ეჭვფარული მოეწონა. შემდეგ ისევ დაფიქრდა მოხუცი სეილა და უთხრა ავაფონს, მაგრამ უთხრა ისეთი კილოთი, როგორც მადლობას ეუბნებიან ერთმანეთს კაცები:

— ეხ, ავაფონ, გული მართლაც რომ კარგი გაქვს შენ, ადამიანური! —

ავაფონს სეილას უკანასკნელი სიტყვები არც გაუგონია. მოხუცს დაუძახა:

— მალე მოვლო — და ჩქარინაბიჯით გაემართა სამიკიტნოსკენ, სადაც წავიდა ჩვენი პატარა მეთევზე.

### ს ა მ ი კ ი ტ ნ ო.

როცა ავაფონი მივიდა სამიკიტნოში, გოგი საუზმეს შეექცეოდა. მას თევზები გაეყიდა და ახლა უღარდელად ესაუბრებოდა წითურ მიკიტნოს იმის შესახებ, თუ როგორ დაიჭირა ამდენი თევზი.

მიკიტანი თითქოს გულმოდგინედ უსმენდა, მაგრამ გამოჩნდა თუ არა კარებში ავაფონი, მიკიტანმა ბავშს თავი ანება და დახლში ჩადგა, თან ავაფონს მიესალმა და თავაზიანად ჰკითხა:

— რა მოგართვა, ავაფონ? უთუოდ არაყს ინებებ? —

ავაფონმა უარი უთხრა და გოგის დაუძახა. გოგი მკვირცხლად მოვიდა.

— აბა, წავიდეთ, ჩემო გოგი! — სთქვა ავაფონმა, ბავშს მხარზე ხელი შემოჰხვია და სამიკიტნოდან გამოიყვანა.

გოგიმ არ იცოდა ავაფონის განზრახვა, მაგრამ მაინც მიჰყვებოდა მას. წითური მიკიტანი კი გაუცდა.



ბავში გაემართა ქალაქისკენ.



მკიტანმა ჯერ იფიქრა—აგაფონი დაბრუნდება, ერთ ჭიქა არაყს მაინც დალევს და სარგებელს მომცემსო, მაგრამ მალე მიხვდა, რომ იმედი გაუტრუფდა: ამიტომ მკიტანმა ხელი უკმაყოფილოდ ჩაიქნია და დახლი გადასწმინდა.

**ახალი ბინა.**

აგაფონმა გოგი შინ წაიყვანა.

გოგი წაჰყვა.

გოგის ყველა იცნობდა იმ უბანში, და აგაფონის ცოლი ძალიან მოხარული იყო, მაგრამ როცა გაიგო—აგაფონს საბავშვო სახლში უნდა გოგის მიბარებაო, დედაკაცი არ დათანხმა ქმარს:

— უკეთესი არ იქნება, ამბობდა ნინო, — ბავშვში ჩვენთან დარჩეს, სასწავლებელში იაროს, ისწავლოს და განათლდეს?

აგაფონს გაცინა: თითქოს საბავშვო სახლებში უსწავლელი რჩებოდენ ბავშვები! მაგრამ ცოლს აზრი არ გაუმტყუნა; იცოდა აგაფონმა, რომ ნინოს ამდენი არ გაეგებოდა და გულკეთილად მიუგო:

— კეთილი და პატიოსანი, მაგრამ შენ ნუ დაგავიწყდება, ნინო, რომ გოგი იქ უკეთ აიზრდება და სწავლასაც მიიღებს.

აგაფონი მართალს ამბობდა, და ნინო გაჩუმდა; აგაფონმა თითქმის მალა ასწია და ნინოს მოაგონა:

— განა არ იცი, რა დროა?

ამ საუბრის შემდეგ აგაფონი და გოგი სახლიდან გამოვიდნენ და შუაგული ქალაქისაკენ გაემართნენ.

გოგის პირი დაებანა, ტანსა მოსი გავსუფთავებია და დამშვენებული მისდევდა აგაფონს.

აგაფონი, რამდენიც არ ეცადა ნელა ევლო, ისევ აუჩქარებდა ხოლმე ნაბიჯს; ამიტომ მის ერთ ნაბიჯზე პატარა გოგის ორი ნაბიჯი უნდა გადაედგა და ბავშვს სუნთქვა გაუხშირდა.

მაგრამ სუნთქვა არაფერია;

გოგის უნდა ერთი რამე სთხოვოს აგაფონ ბიძიას და ამ ჩქარ სიარულში ვერ მოუხერხებია. ბოლოს გოგიმ აგაფონის სახელო დაიჭირა და შეაჩხია; თან დამნაშავესავით გაიღიმა.

— რაო, გოგი, რა გინდა? — იკითხა აგაფონმა.

გოგიმ თავი დახარა, გაწითლდა.

— ბიძია აგაფონ, არ შეიძლება სანდალზე ვიმუშაო?... — იკითხა ბავშვმა.

აგაფონი დაფიქრა:

— განა სწავლა არ გირჩვენია, გოგი? —

— როგორ არა! — წამოიძახა ბავშვმა, — მაგრამ ზაფხულია და სწავლა ყოველგან შეწყვეტილია.

— ნუთუ? — შეეჭვდა აგაფონი. მან არ იცოდა, რომ ზაფხულობით სწავლა წყდება და არც ის იცოდა, თუ გოგიმ ეს საიდან გაიგო. აგაფონი დაფიქრდა და გოგის უბასუხა:

— წავიდეთ, ვნახოთ, იქ რას გვეტყვიან.

ერთი დღი შენობა იდგა თვალუწვდენელ ეზოში; ეზოში გაემენებიათ ბაღი და რადგან ახლა ზაფხული იყო, ბაღი ჰყვავდა. არავინ მიმოდროდა ეზოში, მაგრამ სახლში უთუოდ იყვნენ და ფანჯარებიც გაეღოთ.

აგაფონი და გოგი ჩავიდნენ ეზოში. ეზო გაიარეს, კიბეზე ავიდნენ და კარები დააკაკუნეს. კარები ხნიერმა ქალმა გააღო და სტუმრები მიიწვია. ოთახში დასხდნენ.

ხნიერმა ქალმა ერთი შეხედა აგაფონს, თითქო ჰკითხა: რაზე მოსულხარო, და აგაფონმა დაიწყო.

მან უთხრა ქალს, რომ გოგი ობოლია, უსახლკაროა და უნდა მისი მობარება.

ქალმა კალამი აიღო და ქალაღებზე რაღაც და-



აგაფონმა ბავშვს თევზები ჩამოართვა და დაათვალიერა.

წერა; მერე გოგის სახელი და გვარი ჰკითხა; მამის სახელიც იკითხა; შემდეგ დაწვრილებათ გაიგო ბავშვის ვნაობა, ყველაფერი ეს ქალაღებზე დაწერა და აგაფონს გამოუცხადა:

— კარგი! გოგი მიღებულობა ჩვენთან. თანაც გოგის გაულიმა და თავზე ხელი ვადუსვა.


აგაფონს გაუხარდა. გოგისაც უხაროდა.

ამ დროს აგაფონს ბავშვის თხოვნა მოაგონდა და ქალს ბოდიშით ჰკითხა:

— შეიძლება თუ არა ამ ზაფხულში გოგი ჩემთან დარჩეს და შემოდგომიდან შეუდგეს სწავლას? მართალი გითხრათ, ბავშს სანდალზე მუშაობა ეხლისება, მე კი არ ვიცი, როგორ მოვიქცე!

ქალმა ისევ გაიღიმა:

— რა თქმა უნდა, შემოდგომამდე შეუძლია თქვენთან დარჩეს, — სთქვა მან, — მაგრამ მუშაობით არ დაჰქანცოთ: ხომ იცით, ბავში ბევრ ჯაფას ვერ აიტანს. გოგის სიხარულით თვალი გაუგანებრდა და სახე გაუბრწყინდა. ქალი უთუოდ მიხვდა გოგის სიხარულს.



აგათონი და გოგი ქალმა მიიწვია.

— მაშ შემოდგომამდე, გოგი! — მოფერებით სთქვა ქალმა გამომშვიდობებისას და აგათონი და ბავში დაბრუნდნენ შინ.

**რა დრო იყო?**

მაგრამ ეს იყო უწინ...

ჩვეულებრივის ერთფეროვნებით მიდიოდა ცხოვრება სანაპირო ქალაქში, ქალაქი პატარა იყო. გოგი ძალიან პატარა იყო და მამამისი მტვირთველ მუშად მსახურობდა ნავსადგურში. დილით ადრე მიდიოდა სამუშაოდ და შინ გვიან ბრუნდებოდა. გოგის დედა დიასახლისობდა და ცხოვრობდნენ ღარიბულად.

როგორც ქალაქი იყო უცვლელი, ისევ უცვლელი იყო სიღარიბე გოგის სახლში.

მაგრამ ერთ დღეს ყველაფერი შეიცვალა.

ქალაქში უცნაური ხმები გავრცელდა, ნავსადგურში სამხედრო გემები გამოჩნდა, და ატყდა მსოფლიო ომი.

გოგიმ არ იცოდა, რა იყო მსოფლიო ომი.

ხედავდა დიდებს, რომელნიც ჩაფიქრებულნი დადიოდნენ და არ იცინოდნენ; არც გოგის მამა იცინოდა, და დედა ხომ მუდამ მოწყენილი იჯდა და ოხრავდა.

შემდეგ მამა ჯარში გაიწვიეს.

როცა მამა ჯარში მიდიოდა, დედა მუხრანდა! მამამ დედა გაამხნევა, გოგი გულში ჩაიკრუნა და დედა ხანს ჰკოცნიდა.

გოგიც ატირდა. მამამ უთხრა დედას:

— ქალობა ახლა გამართებს, გოგის გიტოვებ და შენ იციო.

მამა წავიდა. მას შემდეგ გოგის არც უნახავს მამა, გოგი ხედავდა დანადგოლიანებულსა და მტირალ დედას. გოგის დედა უყვარდა და თვითონაც იწყებდა ტირილს; კიდევ იმიტომ ტირიდა გოგი, რომ შიოდა და საბრალო დედა, რომელსაც გოგისთვის საქმელი არ ჰქონდა, თავს იწყევლიდა.

უთუოდ მეზობლებიც ასე იქცეოდნენ, რადგან მათაც ჰყავდათ პატარა შვილები და შვილებისათვის საქმელი არ გააჩნდათ. და როცა მეზობლები თავს ერთად მოიყრიდნენ — იწყებდნენ გოდებას, სწყევლიდნენ ხელმწიფეს და ამბობდნენ ნატვრით:

— განა ველირსებით მსოფლიო ომის დასასრულს? —

**შ ე მ დ ე გ ?**

ერთ დღეს გოგის სახლში მოვიდა ფოსტის მოხელე და წერილი დასტოვა. წერილი იმდენად საშინელი იყო, რომ გოგის დედამ ერთი გულშემზარავად შეჰკივლა და იატაკზე უგრძობლად დევსა.

გოგიმ იფიქრა ვუშველიო და დედას ანჯღრევდა, ტირიდა და საბრალო ხმით მოუხმობდა:

— დედა, დედიკო!!

დედა გაფითრებული იყო, თვალები დაეხუჭა და არ სუნთქავდა; ბავში შიშმა აიტანა; ხმა გაკმია, დამფთხალი ნაბიჯებით გაშორდა დედას, კუთხეში მიიმალა და მორთო ტირილი.

მეზობლებმა გაიგონეს ვაება და შეშფოთებულნი მოიქრნენ; გოგი გარეთ გაიყვანეს.

გულწასულ დედას წყალი ასხურეს და დიდხანს დასტრიალებდნენ საბრალოს, სანამ გონს მოიყვანდნენ.

როცა მოასულიერეს, წერილი წაიკითხეს და მეზობლებიც შეძრწუნდნენ: გოგის მამა ომში მოეკლათ.

ამის შემდეგ გოგის დედა დაავადმყოფდა და ლოგინად ჩავარდა. ის მალე გარდაიცვალა.

გოგი მარტო დარჩა. გოგის ხან ერთი მეზობელი ჰყვებოდა, ხან მეორე. მაგრამ ყველანი ხელმოკლედ ცხოვრობდნენ და ის ხშირად რჩებოდა მშვიერი.

გოგი წამოიზარდა.

არავის ეცალა მისთვის: მეზობლებს თავისი დარდი ჰქონდათ და მთელი ქალაქი, ქალაქი პატარა, უმხიარულოდ გამართკლიყო ზღვის ჰორად და უცდიდა მსოფლიო ომის გათავებას.

ომი არ იყო გათავებული, რომ გაჩაღდა რევოლუცია.

მეომრებმა (რომელნიც ისეთივე მუშები იყვნენ, როგორც გოგის მამა) ხელი აიღეს ერთმანეთის ხოცვაზე და დაიძრნენ ბრძოლის ველიდან.

ს. კასრაძე.

(შემდეგი იქნება)



# პასარა ხელბრაფისი

უკრაინის ერთ მიყრუებულ ალავას იდგა რკინის გზის ერთსართულიანი პატარა სადგური რაიპოლე. სადგურის უკან იყო პატარა ბაღი, სადაც რამდენიმე ალვის ხე იდგა, გარშემო კი თვალგაღუწვდენელი ტრიალი მინდორი იყო. ამ სადგურიდან ხუთი ვერსის დაშორებით იყო ერთი პატარა სოფელი და ამ სოფლიდან თუ წავიდოდა ხანდახან რკინის გზით ვინმე. ამის გამო იშვიათად ნახავდით ამ სადგურზე წამოსვლელ-მონსვლელს. მოსამსახურეები ამ სადგურზე დიდხანს არ რჩებოდნენ: ყველა გაურბოდა ამ მიყრუებულ ადგილს, გარდა ერთი ტელეგრაფისტის, პეტრე ერემევის, რომელიც ქლეჩიანი იყო და ეს სიჩუმე და უსაქმობა მის სიჯანსაღეს ხელს უწყობდა.

ამ ტელეგრაფისტს არვინ გააჩნდა, ერთი თერთმეტი წლის ვაჟიშვილის სენკას მეტი. ეს ბავშვი ძალიან თხიზელი ბავშვი იყო. იზრდებოდა მარტოდ-მარტო, უამხანაგოდ. მამა და სენკა ძალიან იყვნენ დამეგობრებული. სენკა სულ მამის სამუშაო ოთახში იჯდა და ჩასტკეროდა აპარატს, უკვირდა, აპარატიდან რომ ქალაღი გადმოდიოდა და მამა კითხულობდა. ძალიან მოწადინებული იყო სენკა ესწავლა აპარატზე მუშაობა და ისე წაეკითხა, როგორც მამას. ერემევის უხაროდა ბავშვის ასეთი სურვილი და დიდი სიამოვნებით უხსნიდა. სენკას თავდაპირველად ვერ გაეგო, თუ როგორ მიდიოდა სადგურიდან სადგურამდე მავთულებზე სიტყვები, მაგრამ მერე თანდათან მიხვდა ყველაფერს.


სენკა ისეთი ნიჭიერი და მოხერხებული იყო, რომ რამოდენიმე თვის შემდეგ თვითონ შეეძლო დეპეშის მიღება. ბევრჯერ თხოვა მამას მან მიეცა აპარატზე მუშაობის ნება, მაგრამ ერემევის ეშინოდა სენკას არაფერი გაეფუჭებინა და აპარატთან არ უშვებდა. ერემევი ხშირად ეტყოდა შვილს:

— არა, ჩემო კარგო. დეპეშის მიღება ეგრე ადვილი ზარ არის, როგორც შენ გგონია! ემანდ რასმეს გამიფუჭებ და დავიღუპები.

სენკა მაინც იმედს არ ჰკარგავდა და დარწმუნებული იყო, რომ, როცა გაიზრდებოდა, უთუოდ

ტელეგრაფისტი იქნებოდა. მანამ თვითონ გააკეთა ხის სათამაშო აპარატი. ის არაფრით არ განსხვავდებოდა ნამდვილი აპარატისაგან, და მთელი დღე აკაკუნებდა. სენკა ისე გავარჯიშდა ამ ხის აპარატზე, რომ ნამდვილ აპარატზე სმენით შეეძლო მიეღო დეპეშა. როცა მამამისი მუშაობდა აპარატზე, სენკას სულ ესმოდა, რას ელაპარაკებოდა მეზობელი სადგური.

რევოლუციის დაწყებამ და სამოქალაქო ომმა ეს მივარდნილი კუთხეც გამოაცოცხლა. წინათ თუ ამ სადგურზე დღეში ერთ მატარებელს ნახავდით, ახლა ბევრი მატარებელი მიმოდიოდა. ხან გერმანელების ეშელონები მიმოდიოდნენ, ხან პეტლიურასი, ხან საბჭოთა წითელი ჯარი. სენკა ახლა მთლად გამოაცოცხლდა, მთელი დღე სადგურზე იყო, მამას შველოდა. მას არ მოსწონდა, როცა უკრაინაში შემოვიდნენ გერმანელები და დაიწყეს თავისებური თარეში, დადიოდნენ სოფელ-სოფელ, დაეძებდნენ ბოლშევიკებს და ხშირად გლეხებს ტყუილ-უბრალოდ არბევდნენ, ხოცავდნენ. ამათმა საქციელმა მუშები და გლეხები ძალიან ააღელვა და რკინის გზის მუშებიც გაიფიცენ. ახლა კი სენკას აღარ შეეძლო ისე თავისუფლად სიარული, რადგან სადგურზე პატრულები დადიოდნენ. პატრულები ყველას ცემას და დახვრეტას უქადდნენ და ჩხრეკდნენ. ამ დროს სენკა გარეთ ვეღარ გამოდიოდა. გერმანელებს მერე პეტლიურელები დაეცენ და გარეკეს, მაგრამ ახლა პეტლიურელებმა დაიწყეს თარეში და ცარცვა-გლეჯა. თავგზადაკარგული ხალხი დიდ ტანჯვას განიცდიდა, მეტადრე იმ დროს, როცა ერთმანეთს ეცემოდნენ და ზარბაზნებს გუგუნნი გაჰქონდა, ანადგურებდა სახლებს და სოფლებს. ხალხს მოგებრდა ასეთი მდგომარეობა და ნატრულობდა ჩქარა დამყარებულიყო რომელიმე ხელისუფლება. ამ დროს მოსკოვმა გამოუცხადა ომი პეტლიურელებს და 1919 წლის იანვარში გერმანელებს პეტლიურელებიც მიაცოცხლა. ხალხი თითქოს უნდა დაწყნარებულიყო და ცხოვრება ნორმალურ კალაპოტში ჩამდგარიყო, მაგრამ ახლა წამოჰყვეს თავი სხვადასხვა



ბავში ცნობას იღებდა.

ბნელმა ძაღლებმა: მახნომ, გრიგორიევმა და სხვებმა... შეესოღენ სოფლებს და აოხრებდენ, რკინი გზის ლიანდაგებს შლიდენ, ზარბაზნებით ანგრევდენ სოფლებს და სადგურებს. მცხოვრებლები ცის ქვეშ რჩებოდენ. სარდაფებში-ლა იფარავდა თავს ხალხი. რაღაც მიზეზით გადურჩა სადგური რაი-პოლუ და-ნგრევას, მაგრამ ხან ერთი აიღებდა მას, ხან მეორე. ყოველ საათს სხვა მთავრობა იყო სადგურში, ერემევი კი იჯდა აპარატთან და გადასცემდა სხვადა-სხვა განკარგულებას მეზობელ სადგურს.

ერთ დღიას ერემევი გულგახეთქილი შევარდა თავის შვილთან და დაუწყო ღვიძება.

— ადე, ჩქარა, ადე!—და, რაც ძალი და ღონე ჰქონდა, აჯანჯლალებდა სენკას.—ბოლშევიკები უკან იხევენ! ატამანი გრიგორიევი მოულოდნელად დასავლეთიდან მოდის ეშელონებით და თურმე სულ უნდა დახოცოს ბოლშევიკების კომისრები. მალე ადე, თორემ საცაა სადგურზე დაიწყება ბრძოლა. მე ისევ ტელეგრაფში გავიქცევი და შენც მალე მოდი.

სენკამ ფაციფუცით დაიწყო ჩაცმა, მაგრამ არ გასულა ორი წუთი, რომ ზარბაზანმა გააყრუა მიდამო.

სენკამ გამოაღო კარები, უნდა გამოვარდნილიყო, მაგრამ შავ კორიანტელს და ბოლს ვეღარ გამოატანა. საშინელი რამ ხდებოდა ამ სადგურზე, ყველაფერი ინგრეოდა. სადგურზე წითლების ჯავ-

შნიანი მატარებელი იდგა და იგერიებდა გრიგორიევის ეშელონს. მამა არსად ჩანდა. სენკა ისევ სარდაფში დაბრუნდა და სულშეგუბებული უცდიდა, როდის შესწყდებოდა სროლა.


ხუთი წუთის შემდეგ ყველაფერი მიწყნარდა და სენკას შემოესმა სადგურიდან რაღაცას გრუხუნი.

— ეს, ალბათ, ჯავშნიანი მატარებელი წავიდა,— გაიფიქრა მან და კიდევ შეიცადა. როცა დარწმუნდა, რომ ირგვლივ სიჩუმეა, მაშინ გამოვიდა სარდაფიდან და ტელეგრაფში მიიბრინა, მაგრამ მამა იქ არ დაუხვდა. სადგურში მის მეტი არცინ დარჩენილიყო.

— ეხ, მამაც გაქცეულა!—წამოიძახა სენკამ და დაბრუნდა ისევ ტელეგრაფში.—მეც უნდა გავიქვე, სანამ პირში სული მიდგია, თორემ მეც აქ მომკლავენ. სატელეგრაფოში იმ დროს მას შორიდან მოესმა ჯავშნოსანი მატარებლის სროლა. თურმე ნახევარი ვერსით უკან დაეხია, ამოფარებოდა ყორღანოს და იქიდან უშენდა სადგურს. ბავში ის იყო გამოდიოდა ბაღიდან, რომ მოესმა აპარატის კაკუნი.

„ეს, ალბათ, მამაა მეზობელი სადგურიდან“.

წამსვე აპარატთან გაჩნდა, კითხულობს ლენტს.  
— ვინ არის სადგურში?  
სენკას სუნთქვა შეეკრა, მის მეტი არცინ იყო სადგურში, ვის უნდა ეპასუხნა, თუ არ მას? მაშ ტელეგრაფისტის ალაგი უნდა დაეჭირა. მიუჯდა აპარატს და უპასუხა.



— ერემევი.

აპარტი წამს გაჩუმდა, შემდეგ ამუშავდა და სენკა თავის თვალს არ უჯერებდა. რამდენჯერმე გადიკითხა დეპეშა, მერე ეშმაკურად გაიღიმა.

— რა სერიია, — წამოიძახა სენკამ, — ისინი მე ჯარის წინამძღოლად მთვლიან. დეპეშა ერთი კიდევ წაიკითხა ხმამაღლა: „ცხენოსანთა დამხვერავ ჯარის წინამძღოლს ერემევს. ბრძანება: ისარი გადაყვანეთ უმთავრეს ხაზზე. ხაზზე გამოვუშვებთ ცარიელ მანქანას, რომ მოწინააღმდეგის ჯავშნიანი მატარებელი დავამტვრიოთ. რამდენი ხალხი დაგვაკლდა სადგურის აღებზე? გრიგორიევი“. ახლა კი მიხედა სენკა, რომ გრიგორიევა სადგურის დასაპყრობად გამოგზავნა ყაზახ ერემევის მეთაურობით ჯარი და მათ სადგურამდე ვერ მოაწიეს.

სენკა ძალზე ღელავდა, თრთოდა, თითები უკანკალებდა, როცა დეპეშით უბასუხა:

„ატამანს გრიგორიევის. ჯავშნიანი მატარებელი ნახევარ ვერსზეა სადგურიდან. ისარი გადაყვანილია მთავარ ხაზზე. მოკლული არაფერ არის. ერემევი“.

აპარტი წამს გაჩუმდა.

შემდეგ ისევ მოისმა გრიგორიევიდან: „ორთქლმავალი წამოვიდა“.

სენკა შურდულივით გავარდა, მირბის, რაც ძალი და ღონე აქვს, ისრისკენ, გული საშინლად უცემს, სუნთქვა ეკვრის. „რომ ვერ მოვასწრო, — ფიქრობს ბავში, — ხომ დაილუპენ წითლები და მათთან მამაჩემიც?“.


ბანდიტებს გეგმა სენკასთვის ნახევარი საათი

წითლების ჯავშნიანი მატარებელი ხელს უშლიდა გრიგორიევის. „თუ მე ორთქლმავალზე ადრე არ მივედი, მაშინ ბანდიტებისთვის გზა გახსნილია და უსათუოდ ქალაქშიაც შევლენ“. მან მოიკრიფა უკანასკნელი ძალა და ელვის სისწრაფით გაქანდა. აი, შეამჩნია სენკამ, რომ შავი წერტილი სწრაფად მოექანებოდა.

აგერ ისარიც! აკანკალებული ხელით გადაყვანა ისარი ჩიხში თუ არა, გამოუქროლა სტენით და ღრიალით ორთქლმავალზე, გახვია ბავში ორთქლში და მთლად გააბრუა. ისეთი ძალით დაეჯახა ჩიხს ორთქლმავალი, რომ ნახევრად ჩაძვრა მიწაში და დაიმხვრა. ისეთი ხმა ჰქონდა, თითქოს ცა და ქვეყანა დაინგრა. როცა სენკამ სული მოითქვა და გააქყიტა თვალები, საზარელი სურათი ნახა! ისევ ასლიოდა კორიანტელი იქაურობას. სენკა ჯერ კიდევ არ გამორკვეულიყო კარგად, რომ შემოესმა ცხენების ფეხის ხმა. მიიხედა და რას ხედავს? მოჰქრიან ცხენებით ყაზახები. სენკა მაშინვე მიხვდა, რომ ეს ის ყაზახი ერემევი უნდა ყოფილიყო, რომელიც სადგურის ასადებად იყო გამოგზავნილი.

— ახლა კი უნდა დავიმალო, თორემ ნამდვილად მომკლავენ, — გაიფიქრა სენკამ და იქვე ჩაიხალა.


ყაზახები შემოცვივდნენ სადგურში, შემოეხვიენ გარშემო თავის ორთქლმავალს, მოედვენ სადგურს, რომ ეპონათ დამნაშავე, მაგრამ სენკა ვერ შეამჩნიეს. სენკას მარსელიეზის ხმა შემოესმა. წამოჰყო



ბანდიტები გაიქცნენ.

თავი და დაინახა, რომ საიდანაც ორთქლმავალი მიჰქროდა, იქიდან შემოდისოდა გრძელი მატარებელი. წინა ახდომ ვაგონზე იდგენ ჯარისკაცები წითელი ბაირალით ხელში და მღეროდნენ. ზოგი დოღს უკრავდა, მაგრამ სულ ეშლებოდათ, დახურულ ვაგონებში ბანდიტებს თავები გამოეყოთ, ზოგი ვაგონებზე ზარბაზნები ეწყო.

ამ სურათმა გააოცა სენკა. ამბობენ, გრიგორიევი ბანდიტიაო. ვინ ბანდიტი, ვინ წითელი ბაირალი, მარსელიეზა? კინალამ დაამტვრიეს წითლები თავისი ცარიელი ორთქლმავლით და ეს რა ამბავია? ვერ გამიგია, რა არის ეს?!



ესაუბრებოდა წითელარმიელებს.

გრიგორიეველები სადგურს ნელის ნაბიჯით, მუსიკით და ცეკვით უახლოვდებოდნენ. დარწმუნებული იყვნენ, სადგურში მათ მოწინააღმდეგე არავინ ჰყავდათ და ეს მარსელიეზა და წითელი ბაირალი ხალხის მოსახიბლავად იყო, რადგან გლეხებმა იცოდნენ, რომ გრიგორიევი ხალხს ცარცავდა, მიწებს ართმევდა, ხოცდა და სხვა. ისინი დაიბნენ, როცა მათ სიმღერას და თამაშობას ზარბაზნებით უპასუხეს ჩასაფრებულმა ბოლშევიკებმა. თავის სიცოცხლეში არ უნახავს სენკას ასეთი სურათი! გზა-აზნეულ ბანდიტებს არ ესმოდათ, ვინ რას აკეთებდა: ზოგი მირბოდა, ზოგი მატარებლის ამუშავებას ცდილობდა, ზოგი ზარბაზნებს მიათრევდა. ცხენოსანმა ყაზახებმა მიანებეს თავი ამხანაგებს და გაიქცნენ.

წითლებმა მოუხშირეს ბრძოლა და ბანდიტები ცხელში გახვეს.

წითლების მატარებელი სროლით შემოვიდა სადგურში და გაჩერდა ბანდიტების დამტვრეული მატარებლის გვერდით. განდევნეს ბანდიტები სადგურიდან და შეუდგენ დათვლიერებას, თუ რა დარჩათ ბანდიტებს. სენკაც გამოძვრა საპალავიდან და მიიბრინა ჯავშნიან მატარებელთან. და რას ხედავს: სადგურის ბაქანზე ტელეგრაფის შესავალში დგანან წითელარმიელები და მათთან მამამისიც. ყველა გაკვირვებულია.

— არაფერი მესმის,— ამბობდა ტელეგრაფისტი.— აქ ნათქვამია: „დამზვერავ ცხენოსანთა ჯარის უფროსს ერემეევს. ბრძანება: ისარი გადიყვანეთ მთავარ ხაზზე“. შემდეგ არის „ორთქლმავალი წამოვიდა“. ვინ უპასუხა, ან ვინ გადიყვანა ისარი ჩიხში, ჩემთვის გაუგებარია.

— ვინც უნდა ყოფილიყო, ის ყოჩაღად მოქცეულა,— ეუბნებოდა ღიმილით ჯავშნიანი მატარებლის წინამძღოლი, თორემ ეს ორთქლმავალი რომ დაგვჯახებოდა, ჩვენ ძვლებსაც ვერ იპოვიდნენ, ისე დაგვამტვრევდა.

— ჩვენ კი გადავრჩით, მაგრამ ჩემი საწყალი შვილი სენკა სად არის?

ატირდა ერემეევი.

— ნუთუ ბანდიტებმა იმსხვერპლეს?

— აქა ვარ, მამა,— ბოხი ხმით დაიძახა სენკამ, ყელზე ჩამოეკიდა მამას და უსაყვდელუა:

— რათ გაიქეცი უჩემოდ? მე ყაზახი ერემეევი ვეგონე ბანდიტებს, თორემ ნახავდით თქვენს სეირს! და თან თავი გადააქნია.

— სენკა, ჩემო სიცოცხლე, ნუთუ შენ ჩაიღინე ასეთი გმირობა და დებეშა შენი გადაცემულია?

— რა თქმა უნდა, მე მივიღე და გადავეცი კიდეც პასუხი. შენ მე უჭკუო ხომ არ გეგონე, რომ ბანდიტები თქვენ დასახოცად გამომეშვა და მე მათთვის არაფერი მომეხერხებინა? და თან ჯიბეში ხელებჩაწყობილი მიდი-მოდიოდა და ამაყად უცქერდა ყველას.

სენკას გარს შემოეხვეინ წითელარმიელები და ჰკითხავდნენ, თუ როგორ მოხდა ეს ამბავი.



# სუთი აღინარის სათავუძი



## 4. ნისლეზუი.<sup>1</sup>

ცამ პირი არ გახსნა—ჩამოშავებულია, ჩამომტირალი.

ხევებიდანაც ნისლი ჯარად ამოიქრება ხოლმე და ჰფარავს არემარეს. გვერდზე მდგომნიც ხშირად ვერ ვხედავთ ურთიერთს... შევიცადეთ მკირედ, და ცას თითქოს შუბლი გაეხსნა, აქა-იქ ათამაშდა მზის სხივი; ისინი ისე დახტოდენ მთიდან მთაზე, თითქოს ციყვი დახტის ხის ტოტებზეო, და ეს იპიტომ, რომ ნისლები არ ისვენებდენ—ხევიდან მონა ბერისიო ამოიტანდა ზევით და მოჰფენდა ტბათანის ზეგანზე.

გავუდექით გზას. არ მესიამოვნება ეს ხშირი ნისლი.

ჩვენს გაღმა, დასავლეთით, ფშავეთის ლურჯი მთები მოჩანს, ნისლებით დატვირთული. არც ესააკაი ნიშანი.

გავლიეთ ტბათანა. ირგვლივ ფუსფუსია. კარვებსა შლიან, ბარგს ალაგებენ, ცხენებს ასაპალნებენ, მიდიან ბარად: აქ უკვე აცივდა, ჩრდილოს ქარი რომ მწარედ დაუბერავს, თუშები პირს ბარისკენ იზამენ...

—ჩვენ მივდივართ, თქვენ ახლა მოდიხართ,—გამოგვეხმაურებოდენ ხანდახან,—თოვლებში ჩარჩებით, ბარელებო, თოვლებში!—მხიარულად დაატანდენ.

—იქნება ჩამოვბრუნდეთ როგორათმე,—გაეპასუხებოდა გაბო.

გავედით თუ არა ტბათანას, ლაგაზის მთას შევუდექით. ლამაზია, ალპიური ბალახეულობითა და ყვავილებით შემოსილი, თვალს სჭირს მათი სიმკვეთრე, მეტადრე თრულყვავილიანების. ჩამონაშალ კირქვიანებზე მრავლად, ვეებერთელა ბუჩქებად დასახლებულა ბექქონდარა; კლდის ნაპრალებშიც მოუკიდნია ფეხი. ხშირად ამ ბექქონდარათი მრავალი ფართე ადგილია მოსილი...

ყოველ მცენარეს ვიღებთ სიფრთხილით და ვინახავთ აბგაში. გაბოც გვშველის, ცხენები კი ვიწრო და კლდოვანი ბილიკით კატებივით მიდიან მალლა, მალლა. მართლაც მხოლოდ ამ გზებს შეეძლო გა-

მოეზარდა ასეთი გამძლე და ამტანი ცხენი, მართლაც რომ თუშურ ცხენს იშვიათად დაედრება სხვა მხარის ცხენი მთებში სასიარულოდ.

ბილიკი ცოტა შესწორდა, ცხენებზე შევსვდით...

მარჯვნივ ნისლებითაა დაფარული ყოველივე, მარცხნივ, დასავლეთისაკენ, მოჩანს ილტოს ხევი. ლამაზია, მორგვალელებული და ტყით შემოსილი მთები მისდევს მის ნაპირებს.

—აქვე ახლო საქისტოს წყაროა, ცივია მეტად, იქ შევისვენოთ, —ამბობს გაბო და ხელს იშვერს წინ...

ცა კი ისევ ჩამოპირქუშდა, უფრო დაბლა ჩამოწვა და წამოვიდა წვრილი და ცივი წვიმა. სეტყვასა ჰგავს, ისე სჭრის და ჰკბენს სახეს. ყურები შეგვიწითლდა სიცივისაგან და ეს კი „ცივ წყაროზე“ გველაპარაკებოდა.

—რა დროს ცივი წყაროა, გაბო! —ვეკითხები სიცილით...

—როგორ შეიძლება საქისტოს წყაროს ისე გაუარო, რომ არ დალიო! —სთქვა და ცხენს აუჩქარა. ცივმა ნიავმა დაუბერა და ამან უფრო გავგამწარა.

ჩვენ წინ უტბად აიძარბა პატარა კარავი... ძალღი, თეთრი და ვეებერთელა, ყეფით გამოგვეგება. გამოვხმაურა მოხუცი, მოგვესალმა.

—მობრძანდით, მობრძანდით! —მიგვიპატიყა. კარავი ქეჩითაა დაფარული. მის წინ ორი ოთხი-ხუთი წლის ბაღლი, ფეხშიშველა, მხიარულად თამაშობს. არც წვიმა და არც სიცივე არად მიაჩნიათ. მართალია, სახეც შესწითლებიათ, ტიტველი ფეხებიც, მაგრამ თავს კარგად გრძნობენ.

—რა გიკვირს, რომ ასე არიან? —მეკითხება ჩვენი ახალი მასპინძელი, შეამჩნია რა, რომ მე სიამოვნებით და გაკვირვებით ვუცქერდი მათ. ამავე დროს პატარა სერზე ქალიც გამოჩნდა, წყალი მოიტანა. მყის დადგა თუნგი ძირს და მოეტანა ჩვენს ცხენებს, ბარგის ჩამოღება დაიწყო...

კარვის მახლობლად მყუდროზე ცეცხლი ბოლავდა, და მე და ზაქარიამ მას მიეუშარჯვეთ, დავაყარეთ სველი დეკა და ვცილობდით მალე გაძლი-

<sup>1</sup> დასაწყისი იხ. „პიონერის“ № 22.



ერებულიყო: ჩაის ავადუღებდით. დილას თითქმის უსაუზმოდ წამოვედით, ახლა, ცოტა არ იყოს, შიმშილმა ყურში ჩაგვიჩურჩულა.

— ნიკო, წყარო დალიე! — გამომძახა ვაგომ, რომელმაც ცხენები საძოვრად გაუშვა...

ავავსე ჩემი ფინჯანი, ვაწვდი ვაგრიელს, მაგრამ არ მართმევს: „თავად დალიე, შენ პატარა ხარ ჩემზე“... მართლა ცივია, მაგრამ ამ სიცხეში რომელი წყალი არ იქნება ასეთი? მოვსვი, ცოტა გავჩერდი...

— აი, ახლა კი ყოჩაღად იმგზავრებ, არა გიშავს რა...

მთებში იცან რომელიმე წყაროს ასე ამოჩემება, რასაკვირელია, კაი წყაროსი, ან მოხერხებული შესასვენებელი ადგილის უქველად შეჩერდებიან, დალივენ, დასვენებენ. მათ საუბარში ხშირად გაიგონებ: „რომ მოვლიოდი, საქისტოს წყაროსთან შევისვენებ“... „იქ შემხვდა მავანი და მავანი კაცი“ და სხვა.

— კარავში მობრძანდით, აქ საუზმეთ, — მიგვიპატიუა ჩვენმა მასპინძელმა. იქ სუფრა უკვე გაშლილი იყო. მოვუსხედით, ვიწროდ ვართ, მაგრამ წვიმამაინც არ გვასველებს. თუშებისთვის ეს კარგები მართლადამის გასათევად თუა, დანარჩენ დროს კარში ატარებენ.

ჩვენი მასპინძელი გვთავაზობს ახალ ყველს, ხაქოს, პურს: ისაუზმეთ, თორემ გზა დიდი გაქვთ კიდევ სავალიო.

ვაგომს ამბავი დააბარა: ჩემ შვილს უთხარი წამოვიდეს, ცხენები გადმოორეკოს, დროა ბარად წასვლისათ.

კვლავ ათამაშდა მზის სხივი, თითქოს გამოიღარა, ზოგჯერ ღრუბელიც დაიგლიჯა, და ლურჯი ცა გამოჩნდა... გულს ნათელ შუქად ჩაეფინა.

ავერ ჩრდილო-დასავლეთისაკენ გაიხსნა ცა... მოჩანს თოვლიანი მთები.

— ეგ ლომია, ჰხედავ, როგორ სდგას ზედ! — მითითებს ვაგრიელი. ეს ხომ ძველი ნაცნობია, მყინვარწვერი, თუშები მას ლომს ეძახიან. მარჯვნივ, აღმოსავლეთისკენ, ამართულია კლდოვანი მწვერვალი სპეროჯა. ზოგან სპეროჯა იმდენად შვეულია, რომ ზედ მოლი ვერ შექმნილა და მკერდჩამოღარული იმზირება. ალპების ქვემოთ ალაგ-ალაგ მოჩანს ხეები, ვიციკირები, შესაძლებელია ფიჭვი იყოს. ნეტავ იქ როგორმე წავიდეთ! — ენატრობ გულში და შებადება ფიჭვი და გეგმა მასზე ასვლისა მერმის მაინც, თუ წელს ვერ მოვასწრებ.

ეს ბილიკი მთის ზურგზე მიდის, ჯერ ლავაზის და მერე მასარის ქედზე, აქეთ-იქით თვალჩაუწვდენი ხეები ჩასდევს, ბილიკი იმდენად ვიწროა, რომ ზედ თამამად გადაალოჯებ. მხარმარცხნივ ჩაკვეთილი, დასავლეთისაკენ, იორის ხეგია, რომელიც ძირს მოჩანს თეთრად. მარჯვნივ, აღმოსავლეთისაკენ, წიფლოვანის ხეგია. ალაზნის ხეები იმდენად ღრმაა, რომ მდინარეთა ქუხილი ჩვენამდე ვერ აწევს. ვხედავ კი, რომ იქ ქუხილი უნდა იყოს, რადგან მდინარენი აქაფებულნი მიექანებიან თავქვე.



ბილიკები ერთობიან.



ბიწონები სწავლობენ თაღის მოწყობილობას.

ალაზანი და იორი, ორივე ბორბალოზე დაბადებული <sup>1)</sup>, თათქოს მხარდამხარ მოდიან; მარტო ეს ვიწრო ქედი აკილებს ერთმანეთს, ურთიერთის ხმაური თითქოს ესმით, მაგრამ კი ვერ ხედავენ.

სამხრეთისაკენ ეს ვიწრო ქედი განივრდება, იტოტება და მდინარენივ შორდება ურთიერთს, რომ ძირს, დაბლობზე, შირაქის ველის ფარგლებში და ურთუბებზე მაინც შეხვდნენ ერთმანეთს დაკარგული ქმები.

ვცდარობ, რომ ყოველივე დაინახო, სანამ ოდნავ გადაყრილია ღრუბელი, მაგრამ დიდხანს არ დამცალდა არემარეთი დატკობა.

ხევებში დაიკვივლა ქარმა. წამოვიდა შედედებული ნისლი და ჩამოშავდა ცა, აღარც გაუხსნია შუბლი.

— აი, გავერანდი, კაი ამინდი შენა ხარ! — თათქმის ოთხივ მგზავმა გავიმეორეთ ეს ჩვენი წუხილი.

გავიარეთ თათრების ნაბინავარი („აქ თათრის ჯარი მდგარა“ — დიატანა გაბომ) და გავედით რკინის მთის ბილიკზე. მართლაც რკინის მთაა. ნაშა-

ლი კლდითაა მოფენილი. აქა-იქ ნაპრალებში მოჩანს ალპების ჩაგვერა ყვაფილები. ბილიკი ჯერ ალაზანს უტკერს. მალე გადაიარეთ მისი ვიწრო მწვერვალი და მოვექცით იორისაკენ. აქ ნიღებიდან ამოიქრა მისი ყრუ გუგუნე... ქარიც გაძლიერდა. წამოვიდა სეტყვა, ჯერ იშვიათად, მაგრამ მერე ისე წამოიშინა, რომ კინაღამ ცხენები გადაგვიჩეხა: ეჯავრება ცხენს, როდესაც თავში ხვდება რამ. ჩამოვიქვეითეთ და მოხეზებულ ადგილებში მივიყვანეთ ცხენები, აღვირებით მაგრად გვიჭირავს, რომ არ დაფრთხენ და არ დაგვეღუპონ.

სეტყვა ხან ჩერდებოდა და ხან ისევ ხშირად წამოვიდოდა, და ატოკდებოდნენ ცხენებიც.

ჩვენ კი ნაბლით ვითარავდით თავს. წამში თეთრად დაიფარა შავი კლდეები. გადაილო და შევქელით სვლა... სეტყვის საფარიდან მოჩანს ლამაზი გვირილა, ფხიჯა, აგერ ქარცხვიც, ფურუსელა... გავიარეთ ბუნგალოთ გორის ღელე, ღრმა და თვალჩაუწყდენი, ხადის გორი, სტეფანეს დანაქერი და გაველით მასარას, ფართო ტაფობზე, ალპური ბალახებით შემოსილზე. მოჩანს ცხვრის ბინა, ან ნაბინავარი. ერთი ბოძი არქვია მიწაზე, თეკა ჰკილია და გულა. შიგ, ალბათ, ქუმელი იქნება.

ვინ იცის, რა დღე დაადგა მეცხვარეს ამ სეტყვის დროს. ძნელია, სეტყვა რომ ცხვარს მოასწ-

<sup>1)</sup> იორის სათავეები ბორბალოდან გამოსულ ქედზეა — მას არ ახ. ალაზნის ტოტი, წიფლოვანის წყალი, ლამის თვით ბორბალოს წვერიდან იწყება. სამყურის წყალი მხედლის და სამყურის მთებში იწყება. ერთდებთან პანკისის ხეობის დასასრულს, ტოლოშს, ალაზანს სათავეებში არზონსაც ეძახიან.

რებს, მეტადრე ვიწროებში სადმე: აირევა, თავ-  
გზას დაჰკარგავს, ყოჩალი უნდა იყოს მწყემსი, რომ  
გადაარჩინოს ამ დროს ცხვარი.

მასარადან გზა დაქვეითდა. წიფლოვანის ხევ-  
ში უნდა ჩავიდეთ და იქიდან შევუღლებით საყორ-  
ნის გადასავალს. ამბობენ, ძნელი გადასავალიაო.

ჩავლიეთ მეორე აღმართი და თოვლის ველი  
გადავიარეთ. ხევში ვერ დამდნარა, მის ქვეშ გა-  
მოჩნულხუბებენ ნაკადულები და მიექანებიან ქვევით-  
კენ. აქ ბილიკი კლდეებზე მიდის, ქვევით დაგეზე-  
ბული, რომელმაც შეგვაცვანა სუბალპების ტყეში.  
ტირცელი, ტირიფი, ბოყვი სულ აქ შეყრილან. მი-  
წაზე გართმულია დეკა, ტყეში ჩამოჭრილი. თუმც  
დაღლილები ვართ, ხელი მაინც წავატანეთ მწიფე  
ყოლოს და ხუნწს. მივდივართ სველ ბალახებში, რო-  
მელნიც წელ ზევით გვცემენ და გვასველებენ.

ჩაველით ალაზნის პირს, გავყევით მის ნაპირს,  
აქეთ-იქიდან გადმოქუხან მდინარენი, მთის ნაკადი.  
მრავალი მათგანის ხევი თოვლითაა ამოვსებული.  
ზამთარში მთის წვერებიდან ზეგვები მოდიან, ავსებენ  
ამ ხევეებს, ზაფხულში ვერ ასწრებენ დადნობას და  
მდინარენიც იქიდან გადმოჩქეფენ.

— ზევით წავიდეთ, არზონი იქ უფრო პატარა  
იქნება, გვირჩევეს გაბო, და მივდივართ ამღვრეული  
მდინარის პირს; ხან მის ნაპირში ტოპავც გვიხდებ-  
ა, იმდენად დაშვებულია და ციცაბოა ნაპირი. გად-  
ვიარეთ თოვლის რამდენიმე გვირაბი.

ხეობა მეტად ვიწროა, მთები თითქოს ციდან  
დაკიდულანო, ისეა ჩამოშვებული, ფეხის მოკიდე-  
ბაც გაუჭირდება კაცს.

— აქ უნდა გადავიდეთ, — სთქვა გაბომ და შე-  
ავლო ცხენი ალაზანში. ჩვენც მივყევით. გაუჭირდათ  
ვასვლა: მდინარე მეტად ჩქარია.

საყორნე, თუშეთისკენ გადასავალი, ნისლებშია  
გახვეული... ზევიდან რალაც კივილი მოგვესმა.

— აქ უნდა შევიცადოთ, სანამ არ ჩამოვლენ ისი-  
ნი, — ხელი გაიშვირა ნისლებისაკენ. — ბილიკი ისე ვი-  
წროა, რომ გზას ვერ ავუჭკვეთ. იმიტომ ყვარის  
ისიც, გვატყობინებს, მოვდივართ და, თუ ამო-  
სვლას ეპირებით ვინმე, შეიცადეთო.

ოცი წუთის შემდეგ ნისლებიდან გამოვიდენ  
დატვირთული ცხენები. ერთი კარგი ქურანი ცხენი  
ქალს მოჰყავს აღვირით, ბალღი და ვაჟკაცი დანა-  
რჩენთ მოერეკებიან. ჩამოვიდენ, მოგვესალმენ.

ვეკითხებით მათაუშეთის ამბავს. გაბომ თუ-  
შურად გააბა საუბარი, ერთი ორჯერ ბალღსაც უთ-  
ხრა რალაც. თურმე ეს მისი შვილი იყო, მოჯამა-  
გირედ ჰყოლია მომავალს.

ვუცქერი მამაკაცს და მეღიკება... მასაც ეღიკება...

— ნიკო, ვერ მიცან? — ვეკითხება უცბაჲ. მეუც-  
ნაურა, გამეხარდა, მაგრამ ვერ ვცნობ.

— აგრე უნდა დავიწყება? — და კვლავ გაეღიმა.

ახლა კი მომაგონდა! ლევანი! ერთად დავსწავლი-  
თავრეთ ვიმნახია და მას შემდეგ აღარ შევხვედლი-  
ვარ. ლევანი მთებში წამოვიდა. მესმოდა ამაღლ,  
იქ დატრიალდა, ცხვარშიო. გადავებვიეთ ძმურად,  
მოვიგონეთ ბევრი რამ.

— ის ბაღლები ჩემია, საქისტოზე რომ ნახეთ, —  
მეუბნება ღიმილით.

გამოვესალმეთ, ნელ-ნელა შევყევით დაკიდე-  
ბულ აღმართს. არ ვიცით, რა დროა: ზაქარის სა-  
ათიც დადგა, ალაზზედღე დავაყენეთ. ვერ გამოგვი-  
ანგარიშა, პირიქით მოვასწრებთ გადასვლას თუ ვერა.

თუ აქეთ შემოგვალამდება, ისეთი ადგილი მაინც  
უნდა ამოვიჩიოთ, რომ შეიძლებოდეს ღამის გა-  
თევა: ულაგო ალაგას შემოლამება მეტად ძნელი  
იქნება.

გადავწყვიტეთ წინსვლა. მივდივართ, რამდენა-  
დაც შეგვიძლია სწრაფად. აი აველით მწვერვალა-  
მდე, გავიარეთ ხორხები და გადასავალზე ვართ უკ-  
ვე. აქ დაუბერა ცივმა ქარმა და ნისლები გადაყარა,  
გამოჩნდა ბორბალოს მწვერვალიც. კაი დარი რომ  
იყოს, უეჭველად ავიდოდი; ახლოა გადასავალი, ხო-  
მის მკერდზეა.

არც მზე ჩასულა ჯერ.

ჩამოვიქვეითეთ (დაღმართზე ცხენიდან უნდა  
ჩამოხტეთ) და ჩქარის ნაბიჯით დავეშვით პირიქით.  
ნისლების ნაგლეჯებში მოჩანს პირიქითის თუშეთი,  
შორს თოვლიანი მთები, ძირს კი პირიქითის ალა-  
ზანი (ყოისუ)... რა კარგი იქნება, რომ ნისლმა სუ-  
ლაც გადიყაროს! საქმე არა გაქვთ?! იმდენად გა-  
ძლიერდა, რომ გაბოს გზის არევისა ეშინოდა, მაგ-  
რამ მაინც მალე ჩავლიეთ ნისლებიც და ჩვენს ფეხ-  
ქვეშ გამოჩნდა ლამაზი ხეობა, მდინარის ნაპირას კი  
მეცხვარეთა ბინები.

მშვირები და გაწვალბულნი, უკანასკნელ ძა-  
ფამდე სველები მივადექით საჯაყიშვილების ბინას...

მიგვიღეს მგზავრები ისე, ვით შეჭფერის მთიელ  
მასპინძელს სტუმრის მიღება...

დაღამებულია უკვე, ხევებში ღამეა ჩამოწოლი-  
ლი, როდესაც ცხენებს ვხდით ბარგს. არც ცხენე-  
ბია ნაკლებ დღეში, ისინიც ჩვენზე უარესად არიან.

აგერ სიბნელეში ვხედავ, რომ ცხვარი და-  
ჰკლეს სტუმრის დასახვედრად.

— გაგიჭირდებოდათ ნისლებში, წვიმაში!..

— მოიწით ცეცხლთან, — გვიპატიყებდენ ცეც-  
ხლისკენ და ცდილობდენ მოხერხებულად მოვწყო-  
ბილიყავით.

ცეცხლზე კი ქვაბი დგას და იხარშება მსუქანი  
ცხვრის ხორცი, დაღლილი და მშიერი მგზავრის  
იმედი.



# სოფლის პიონერთა მუშაობა ოჯახში.

პიონერ-ორგანიზაციის მუშაობის ერთ მთავარ ამოცანას სოფლად ოჯახში მუშაობა წარმოადგენს. მართალია, ჩვენ მოგვეპოვება მთელი რიგი ფაქტები, რომლებიც მოწმობენ პიონერთა მუშაობის წარმატებებს ოჯახში, მაგრამ ამ მუშაობას ჯერ კიდევ ყველგან ვერ მოუპოვებია თავისი ადგილი. ამიტომ ჩვენი მიზანია მივაქციოთ პიონერთა ყურადღება ოჯახში მუშაობის ამ მნიშვნელოვან საკითხებზე.

მანამ, სანამ პიონერთა წინაშე წამოაყენებს ოჯახში მუშაობის ამოცანებს, პიონერ-კოლექტივმა უნდა იცოდეს, რომელი ან რანაირი ოჯახიდან არის გამოსული ესა თუ ის პიონერი, რომ, საქიროების მიხედვით, სხვა პიონერებზე დაეხმარონ მას ოჯახის მუშაობაში. რასაკვირველია, არ შეიძლება ერთი სახომით მივუღდე ყველა ოჯახს. აქ საქაროა ღარიბი და საშუალო გლეხის ოჯახებისადმი ერთი მიდგომა, მოჯამაგირის ოჯახისადმი — მეორე, წურბელის („კულაკის“) — მესამე, სოფლის ინტელიგენციისადმი — მეოთხე. თითოეული ასეთი ოჯახი განსაკუთრებულ მიდგომას მოითხოვს და, მაშასადამე, პიონერებმაც ამის მიხედვით უნდა აწარმოონ მუშაობა.

პიონერ-კოლექტივის წინაშე უნდა წამოიჭრას საკითხი პირველ რიგში მოჯამაგირე, ღარიბი და საშუალო გლეხის ოჯახების საქმიანობაში მონაწილეობის მნიშვნელობის შესახებ, ვინაიდან ეს სამი სოციალური ჯგუფი სოფლის მოსახლეობისა უფრო მეტად არის ეკონომიურად ჩამორჩენილი, ვიდრე სხვა.

ამისათვის საქიროა პიონერ-კოლექტივში პირველად ჩატარდეს რამოდენიმე საუბარი ჩვენი პარტიისა და ხელისუფლების პოლიტიკასთან დაკავშირებით სოფლად — თუ რისთვის უნდა აწარმოონ პიონერებმა მუშაობა და საიდან უნდა დაიწყონ ის. ამის შემდეგ კოლექტივის საბჭომ უნდა გაანაწილოს დავალება რგოლებს შორის და შეუდგენ საქმიანობას. შემდეგ უნდა იქნეს აღრიცხული, თუ რა ნაყოფი მოიტანა რგოლების მუშაობამ, რა წარმატებებს მიაღწიეს ან რა ნაკლი დაჰყვა ჩატარებულ მუშაობას; ამისათვის ჯერ რგოლის შეკრებაზე უნდა შეაჯამონ გაკეთებული საქმე, ხოლო კოლექტივის საბჭოს სხდომაზე რგოლის მეთაურები წარადგინენ ანგარიშებს, თუ რა გააკეთა თითოეულმა რგოლმა.

**რგოლებს შეიძლება დაევალოს:**

**უფროს რგოლს:** მიეშველოს ოჯახს საერთო მუშაობაში, ხოლო განსაკუთრებული ყურადღება მიაქციოს სამეურნეო მუშაობას და გაზეთების წაკითხვას მშობლებისათვის.

**საშუალო რგოლს:** თითქმის იგივე დავალება უნდა მიეცეს, მხოლოდ იმ მითითებებით, რომ უმთავრესად პაწაწა ბავშვებში იმუშაონ — და პირველ რიგში კი წერა-კითხვა შეასწავლონ.

**უმცროს რგოლს:** უნდა მიეცეს დავალება, რომ გაკეთებული საქმე გამოხატოს დიაგრამებით, სქემებით, მოამზადოს მასალები კედლის გაზეთისათვის, საანგარიშო საღამოსათვის და სხვა. გარდა რგო-

ლებრივი მუშაობის წარმოებისა, საქიროა ინდივიდუალური დავალების მიცემაც, ამისათვის თითოეულმა რგოლმა უნდა გაარჩიოს საბჭოს მიერ მიცემული დავალება თავის სხდომაზე იმ ანგარიშით, თუ რომელ პიონერებს რის გაკეთება შეუძლიათ. ამის შემდეგ რგოლი დავალებას ანაწილებს პიონერთა შორის. „თუნდაც სულ პატარა, თუნდაც სულ უმნიშვნელო“ საქმე დაევალოს პიონერს, მაინც დიდი მნიშვნელობა აქვს ოჯახისათვის.

ვთქვათ, პიონერ საქროს დედას სარეცხი აქვს სახლში და წყლის მოტანაა საქირო. ამისათვის საქროს დედას არ უნდა სჭირდებოდეს მისი ძებნა, არამედ თვით უნდა მივიდეს საქრო და მიეშველოს წყლის მოტანაში. მეორე პიონერს, ილიკოს, მიეცეს დავალება, რომ მისი და თინიკო არ დადიოდეს უსუფთაო პირისახით, არ ანაგვიანებდეს დასუფთავებულ სახლს, მიაჩვიოს, რომ სახლის დავის დროს ფანჯარა ან კარები რამოდენიმე წუთით გამოაღოს ხოლმე და სხვა.

მაგრამ გარდა იმისა, რომ თითოეულ პიონერს მიეცემა ასეთი დავალება, რგოლს შეუძლია მოჰკიდოს ხელი საესებით უბრალო საქმეს. ვთქვათ, ილიკოს მამა წავიდა ქალოქში სხვადასხვა საოჯახო ნივთის საყიდლად და ილიკოს არ შეუძლია შეშა დასჭრა ბუხრის ასანთებად. მაშინ რგოლი გადასწყვეტს წავიდეს ილიკოს სახლში და მიეშველოს მას შეშის დაჭრაში და შეზიდვაში. აი, დაახლოებით ასეთ ფორმებში უნდა წარიმართოს რგოლებისა და ცალკე პიონერების მუშაობა, იმისდა მიხედვით, თუ რომელ ოჯახს რომელ დარგში სჭირდება მიშველება და ვინ რა უნდა გააკეთოს.

ან კიდევ ასე: რგოლის კრებაზე გამოაქვთ დავალებები, რომ ვინაიდან ლენინის გარდაცვალების წლისთავი უკვე მოახლოებულია, ყველა პიონერს ევალება მოუყვეს თავის დედ-მამას, ვინ იყო ლენინი, — შავ და წითელ ქაღალდების ჩარჩოში ჩასმული ლენინის სურათი ჩამოჰკიდოს სახლში. შეიძლება სხვა ამგვარი ხასიათის დავალების მიცემაც (პირველი მისი, საბჭოს გადარჩევა და სხვა). დავალება თითოეულ პიონერს ეძლევა ერთი ან ორი კვირის ვადით, იმისდა მიხედვით, თუ რანაირი სიტუაციის ან მოკულობის არის დავალება. საქიროა თითოეულმა რგოლმა იქონიოს ცალკე რეგული, სადაც უნდა იწერებოდეს, რაც დაევალა თითოეულ პიონერს. როცა ესა თუ ის პიონერი შეასრულებს თავის დავალებას, რგოლის შეკრებაზე აკეთებს ანგარიშს გაკეთებული მუშაობის შესახებ. ამ გზით რგოლს შეიძლება აქვს თვალყური ადევნოს პიონერთა მონაწილეობას ოჯახის საქმიანობაში. ამისათვის, რომ რგოლები არ ჩამოსცილდნ კოლექტივის მუშაობის სხვა დარგებს, რგოლი ყველაფერს სწერს რეგულში და თავის მხრივ სამ თვეში ერთხელ წარუდგენს ანგარიშს კოლ. საბჭოს ოჯახში მიხწეული შედეგების შესახებ,

საქართველოს  
საბჭოთაო  
საქართველო

რის შემდეგ საბჭო აძლევს მთელ რიგ მითითებებს შემდგომი მუშაობისათვის. მაგრამ ამ მუშაობის წარმატებით ჩატარება ძალიანაა დამოკიდებული იმაზე, თუ რამდენად ფართოდ იქნებიან მიზიდულნი თვით პიონერთა მშობლებიც. უკანასკნელნი უნდა გავრკვევ, თუ რა დიდი სარგებლობის მოტანა შეუძლია ოჯახისთვის პიონერს თუნდაც იმ პატარა საქმით, რომელსაც ის შეასრულებს ოჯახში. მით უფრო აუცილებელია მშობლების ჩაბმა პიონერ-კოლექტივის მუშაობაში, რომ ბევრი გლეხი არ უშვებს თავის ბავშვებს პიონერ-კოლექტივში მხოლოდ იმ უბრალო მიზეზით, რომ მან არ იცის, რას აკეთებს პიონერ-კოლექტივი.

„სოფლის ზოგიერთი გლეხი არ უშვებდა თავის შვილებს კოლექტივებში, იმიტომ, რომ მათ არ იცოდნენ, რა შრომითი აღზრდის მიზნებს ისახავს პიონერ-კოლექტივი. მაგრამ როცა მოხსენება გავუკეთეთ ამის შესახებ, მაშინ დიდის კმაყოფილებით გამოუშვეს ბავშვები პიონერ-კოლექტივში ჩასაწერად. ახლა საქმე კარგად მიაღწია და ბევრი ბავში ეწერება ჩვენს პიონერ-კოლექტივში“, — გვწერენ ერთი სოფლიდან. მიუხედავად ამისა, კოლექტივის ბევრი ხელმძღვანელი ასე ფიქრობს: „რა საჭიროა მშობლების მიზიდვა, მათ არაფერი არ ესმით ბავშვების აღზრდი-


საო“. ცხადია, ასეთი შეხედულება სასესებო მუშაობაშია. მშობლებმა ყურადღება უნდა მიაქციონ ოჯახში იმას, ასრულებენ თუ არა მათი შვილები (პიონერები) იმ წესებს და დავალებებს, რომელსაც კოლექტივში აძლევენ. ასეთი კონტროლისათვის კი მშობლების მხრივ საჭიროა მათი კოლექტივის მუშაობაში ჩაბმა და გაცნობა იმისა, ვის რას ავალებს პიონერ-კოლექტივი ოჯახში ვასაკეთებლად. იმისათვის, რომ მშობლების საშუალებით აღირიცხოს პიონერთა საქმიანობა ოჯახში, საჭიროა მშობლების კრებების მოწვევა თვეში ერთხელ მაინც. აქ მშობლებს შეუძლიათ ანგარიშის გაკეთება და აღნიშვნა იმისა, თუ როგორ ასრულებს პიონერი კოლექტივის დავალებას და რა ნაკლი აქვს მას მუშაობაში. მშობელთა კრებების შემდეგ კარგია და საჭიროც არის პიონერების ძალებით გამართულ იქნეს საანგარიშო საღამო, სადაც უნდა გამოაშკარავდეს პიონერთა უკეთესი მიხვევები ოჯახში მუშაობით. ამის შემდეგ მშობლები დიდად კმაყოფილნი რჩებიან და ინტერესდებიან პიონერ-მუშაობით.

აი, დაახლოვებით რა გზით შეიძლება სოფლის პიონერთა წინაშე მდგომარე ამოცანების გადაჭრა ოჯახში მუშაობის საქმეში.

ბ.



სამხედრო ლაშქრობაში მონაწილე ზუგდიდის პიონერები.



## ჩვენი კმაზი მსოფლიოში.

### ჩინელი ბავშვები.

პეკინის ქუჩები, განსაკუთრებით მისი შესახვევები, მუდამ სავსეა ბავშვებით. აგერ მთელი ჯგუფი დედაბრებისა დატრიალებს ბავშვის გარშემო. ბავში შიშველია, მხოლოდ წინიდან მუცელს უფარავს ფანელის წითელი წინსაფარი, რომელიც იცავს მას გაცივებისა და დიზენტერიისაგან. თავზე ჩამოუხატული აქვს ქუდი, ცოტა მოზრდილია და თითქოს კიდევ აპირებს სიარულს, ფეხები უკვე გაყრილი აქვს შარვლის ორ ერთმანეთისაგან დამოუკიდებელ ტოტში, რომლებიც მიმაგრებულია ქამარზე თასმებით; თავზე პატარა რქებივით წამოჩრია კობტად დაწული თმები.

აი ერთს, კიდევ მასზე უფრო მოზრდილს, თვით მამამისი დაატარებს ხელით ბაზარში და ყიდულობს მისთვის კაპეიკიან ქუპინას და კიდევ რაღაც საოცრად ვიწროფსკერიან ბოთლს, რომლის ბოლო მოძრაობისაგან იბერება და ქყვიის. ის სიამოვნებით სწოვს გაქვავებულ ხალვის მსგავს ტკბილ კონფეტს.

აი ვიღაც ბავში კიდევ. საღდაც რიკშით მიმავალი დედის მუხლებზე ზის, ერთ ხელში უჭირავს სათამაშო ბუნჩუკი, მეორეში დაშაქრული ვაშლები, ჯოხზე მძივებივით აცმული.

შემდეგ კი, როცა დარბის სკოლაში, აცვია ტანთ ერთიანი ხალათი, თითები უკვე მიჩვევია წვრილთავიანი კალმის ხელში მომარჯვებას. სდგას „ასი იეროგლიფის“ დიდ წიგნთან და ტანის რბევით და გალობით იზეპირებს აუცილებელ და პირველი საჭიროების ცოდნის და კარგი ყოფაქცევის წესებს. სკოლაში მას უცვლიან ბავშობისას მიღებულ სახელს (ჩვეულებრივ რომელიმე ცხოველის სახელწოდებისას — „დათუნის“, „კატუნის“) რომელიმე ორსიტ-

ყვიანი სახელით, რომელსაც მას უგონებს მასწავლებელი.

ასე დგება ფეხზე და გამოდის ცხოვრებაში პატარა უზრუნველი ჩინელი, რომ მთელი მომავალი ცხოვრება ზანტად, მამაპური ჩვეულების მიხედვით მშვიდად და კეთილად გაატაროს. მაგრამ...

ტიან-ცზინში, ხანკოუში, შანხაიში, სადაც ქარხნის მიღები ცას მურავენ კვამლის ნისლეებით, სადაც წარმოების ცხელებით აზანზარებს ქარხნის შავ კედლებს, — იქ ღარიბი პატარა ჩინელისათვის საშინელებაა.

გალატაკებულო, დამშეული სოფლებიდან, საჯინიბოსავით ამყრალებული მიდამოებიდან, ომიდან დარბეული ქალაქებიდან ქარხანა მრავლად იბოკავს თავის ხელებში პატარა ჩინელ გოგო-ბიჭს, რომელთაც ესაა აუდგამთ ფეხი და უსწავლიათ ლაპარაკი.

დამშეულ სოფლებში გაქირვებისაგან მშობლები მცირე თანხებში ჰყიდიან საზოგადო სახლებში თავის ქალიშვილებს, ჰყიდიან ვაჭებსაც, მაგრამ უფრო მეტ ფასად.

სოფლად და ქალაქად ნახევრად მათხოვარი ხელოსანი ან მებოსტნე სესხში აძლევს თავის ვაჭიშვილს რომელიმე გაიძვერა კომისიონერს, რომელიც თავის მხრივ მასში ფაბრიკიდან თვეში ექვს მანეთს იღებს, მამას კი მხოლოდ ორ მანეთს აძლევს. ასე იქედება ჩინელი ბავშვის მონობის ბედი.

იქ მთელი საშინელებაა. ნაყიდი ბავშვების შრომით იქ მთელი წარმოებებიც კი არსებობს. ამ ცოტა ხნის წინათ აღმოჩენილ იქნა შანხაიში ერთი ასეთი ფაბრიკა, რომელიც მღებარეობდა მიწის ქვეშ



და შესავალი ჰქონდა მხოლოდ ჭერიდან. შიგ ჩა-  
 ჰყავდათ ნაყიდი ბავშვები, რომლებიც იქვე მუშაობ-  
 დნენ, იქვე იძინებდნენ და სკამდენ — დაზგებთან, მო-  
 კლებულნი მზეს, სინათლეს და განთავისუფლე-  
 ბის ყოველგვარ საშუალებას. ხუთი წლის მუშაობის  
 შემდეგ ბავშს ამოიყვანდნენ ზევით და ჰყიდდნენ სა-  
 დმე მოშორებით.

ამ ფაქტმა თითქოს შეაძრწუნა ევროპელი და  
 ამერიკელი ფილანტროპები, მაგრამ სინამდვილეში,  
 რასაკვირველებია, კეთილი ზრახვები როდი ამოძ-  
 რავებდა ამ ხალხს, ქაღალდით და კალმით როცა  
 დადიოდნენ ქარხნებში, არამედ მეტად საშიშა ზრდა  
 მუშათა დაბეჩავებისა და, რაც მთავარია, იაპონუ-  
 რი ქარხნების კონკურენციის შერბილება, ამ იაფ-  
 ფასიანი ჩინელი მუშების ექსპლოატაციით გამოწ-  
 ვეული.

პეკინი—წვირილ ხელოსანთა და ფეიქართა ქა-  
 ლაქია. საფეიქრო მუშათა კავშირში ერთნაირი უფ-  
 ლებითა შესული დაქირავებულები და დამქირავებე-  
 ლიც. მებატრონე პირდაპირ ბატონია თავისი ქვე-  
 შვერდომი კოლექტივისა. ხალხით სავსე პეკინის ქუ-  
 ჩაზე მუდამ გაისმის ხმაური ჩაქურებისა, სალაშინე-  
 ბის, ბზრიალა თუნუქის ფურცლების ირგვლივ მუ-  
 შაობა გაჩაღებული.

სადაც გინდა შეხვიდეთ, სამი თაობაა, მომუშა-  
 ვეთა სამი ფენა: მებატრონე—იგივე ხელოსანი, მო-  
 ხელეს თანაშემწე—ყმაწვილი კაცი და შეგირდების—  
 ბავშების—გროვა.

აი, აგერ გვერდშიშველი ბიჭუკელა დამწუხ-  
 რებული სახით მოათრევს რაღაც სიმძიმეს, მუცელი  
 საშინლად გამობერვია.

ქიშკართან ხუთიოდე გამვლელი შეჯგუფებულა  
 რვა წლის ბავშვის წინაშე, რომელიც მარჯვედ ქსოვს  
 ქამარს. ის ერთსადაიმავე დროს მომუშავეცაა და ამ  
 წარმოების ცოცხალი გამოფენაც.

სახელოსნოს ბნელ დარბაზებთან ზის ერთი და  
 შრომისაგან კბილები დაუხრჭენია. ხუთიოდე ნახევ-  
 რადშიშველი ბავში ცეცხლის ირგვლივ დარბის და  
 აჩაღებს მას საბერველებით. ცეცხლზე ჰყრია ტყვიის  
 ფურცლები და კოლოფები. აქ ამზადებენ მინანქარ-  
 ში გადამდნარ ტყვიას „კლაუზონეს“.

საღდაც მირბის რიკმა, ის თითქმის ჩამალუ-  
 ლია, მხოლოდ მოხრილი მკლავების ნიდაყვები ამო-  
 უჩრია. მიაქანებს ვიღაც ბავშიან დედაკაცს და ამ

საქმეში ეხმარება მას პატარა ძმა, რომელიც უხე-  
 დან მისდევს ეტლს და წელს უმაგრებს მას.

აი კიდევ: ნოხის საქსოვი ფაბრიკა. ნოხებით  
 მოფენილ და სავსე პირველ შესასვლელ ოთახში დგას  
 მუცელგაბერილი ჩინელი. ის მებატრონეა; ფაბრიკა  
 შემდეგ ოთახშია.

ვიწრო და მტვრიანი სარკმლიდან სინათლე ოდ-  
 ნავ აშუქებს მას. მიწის იატაკი ნესტიანია და ბინ-  
 ძური, ქერამდე მიწყობილია უშველებელი ჩარჩო-  
 ები, რომელთა შორის მცირე მანძილებია. ჩარჩო-  
 ები სავსეა ზევიდან ძირამდე ნოხის საქსოვი ძაფებით,  
 რომელთა შორის სხედან წელში მოხრილი ბავშვები.  
 მათი თითები გამაღებული დახტიან ძაფებზე, რო-  
 გორც ჩონგურის დამკვრელის თითები სიმებზე. ნო-  
 ხი ქსოვისაგან თანდათან იზრდება, ხშირად შესარ-  
 თავ მატყლს ცვლიან, სადაც ფერადებს აქარგავენ  
 მასზე.

სიბნელისაგან ოთახში ძნელია კარგად გაარჩო-  
 ერთმანეთში შექსოვილი ფერადები და ქარგები. ბავ-  
 შები კი მუშაობენ მანქანებივით, ისე რომ თითების  
 შეჩერებასაც ვეღარ შესძლებენ, მუშაობენ და ოდ-  
 ნავ ირხვეიან ტანით. დღეში მუშაობენ 12 საათს,  
 სანამ სინათლე ეყოფათ. თვეში იღებენ მანეთს და  
 ეს ითვლება კარგ ხელფასად. მრავალი შეგირდი არა-  
 ფერს არ იღებს საქმელისა და ცემა-ტყევის გარდა.

სძინავთ ამ ბავშვებს (ნოხის მქსოველებს) იქვე  
 მიწაზე, საცა მუშაობენ, მატყლისა და ქსოვილების  
 მტვერში. ამას დაუმატეთ ისიც, რომ ჩინელი მუ-  
 შაობს ყოველდღე მთელი წლის განმავლობაში, და  
 არა ისე, როგორც ჩვენ, კვირაში ერთ დღეს რომ  
 ვისვენებთ. ისვენებენ წელიწადში რამდენიმე დღეს—  
 ახალი წლის და კიდევ ორიოდე დღესასწაულის  
 დროს. ამას კი მრავალი ვერ იტანს, უძლურდება,  
 სნეულობდა და კვდება. ვინც კი აიტანს, მრავალი  
 წლის მუშაობის შემდეგ თვითონ ხდება ხელოსანი  
 და შეიძლება ოდესმე მებატრონეც კი გახდეს. ამ  
 უკანასკნელი იმედით გატაცებული მამები თვითონ  
 აბარებენ თავის შვილებს შეგირდებად, მაგრამ უკა-  
 ნასკნელ დროს ამის გავლენაც იკარგება, რადგან  
 თვით ხელოსანთა წარმოება თანდათან იზრდებოდა  
 ფაბრიკის წარმოებით, რის გამო ისინი მრავლად  
 კოტრდებიან და ილუპებიან. ოცნება კი ფაბრიკის  
 მებატრონეობაზე ძნელია, როცა ის ასე დიდ ბო-  
 როტებას იწვევს და ასე ამრავლებს უბედურთა რიცხვს.



# პიონერების სამხედრო ლაშქრობა ზუგდიდში.

ომის საშიშროებისთან დაკავშირებით ჩვენი ქვეყნის პიონერთა ორგანიზაციის წინ ისმება საკითხი მშრომელი ახალგაზრდობის გასამხედროების შესახებ. როდესაც ზუგდიდის სამხედრო ბიურომ კოლექტივის საბჭოსთან ერთად გადასწყვიტა მოეწყო პიონერებისათვის სამხედრო ლაშქრობა, პიონერებში ამ აზრმა არაჩვეულებრივი სიხარული გამოიწვია. სამხედრო ბიუროს მიერ მოწვეულ იქნა თათბირი პიონერ-მომუშავეების, 9-წლედის, 4 წ. და 7-წლედის სკოლის გამგეების, სადაც მოსმენილ იქნა საუბარი სამხედროს თავმჯდომარის მიერ სამხედრო ლაშქრობის მოწყობის შესახებ, სკოლის გამგეები და განათლების განყოფილება დიდი სიამოვნებით შეხვდნენ სამხედრო ლაშქრობის მოწყობის საქმეს, ხსლომაზე გამოყოფილ იქნა ლაშქრობის მომწყობი კომისია, კომისიის მიერ შედგენილ იქნა ლაშქრობის გეგმა და გადაწყდა საჭირო იარაღების შეძენა; ამ უკანასკნელის შეძენაში დიდი დახმარება გაგვიწია 9-წლედის სახელოსნოს მისწავლებელმა აშხ. ა. ჯანაშიამ, რომელმაც გაუწია ხელმძღვანელობა პიონერებს. შეკეთებულ იქნა ორი ხის ზარბაზანი, რომელიც ისტრის 12-კალიბრიან ვაზნებს, „ლუისის“ სისტემის 4 ტყვიამფრქვევი და აგრეთვე სხვა იარაღები, კომისიის დადგენილებით, ლაშქრობა მოეწყო პიონერთა ორგანიზაციის 5 წლის იუბილეს დღეს. ამ მიზნით მოწვეულ იქნა ზუგდიდის რაიონში შემავალ პიონერ-მომუშავეთა თათბირი, სადაც დამუშავებულ იქნა საკითხი ლაშქრობის მოწყობის შესახებ და კოლექტივებს მიეცათ დავალებანი ლაშქრობის დღისათვის.

ქალაქის კოლექტივებში ჩატარებულ იქნა კოლექტივის ხელმძღვანელის მიერ საუბარი სამხედრო ლაშქრობის მნიშვნელობის შესახებ, პიონერების ლაშქრობის მოწყობის შესახებ. პიონერებს სურდათ ყველანი მომხვდარიყვნენ წითლების ბანაკში. მაგრამ ახსნა-განმარტების შემდეგ ასეთ სურვილს პიონერებს შორის ბოლო მოეღო. რომლებსაც არ შეეძლოთ მონაწილეობა [მიეღოთ მძიმე ლაშქრობაში, დაევალათ შეეკეთებიათ, შვილდ-ისრები ლაშქრობის დღისათვის. ლაშქრობაში მონაწილეობას იღებდა ქალაქის 6 კოლექტივი 290 წევრით. მოლაშქრენი გაიყვნ ორ ბანაკად—წითლების და თეთრების ბანაკად. საომარი იარაღები განაწილებულ იქნა თანასწორად, ხოლო თითოეული ბანაკი გაიყო შემ-

დეგ ნაწილებად: 1) მზვერავთა რაზმი, 2) ავიო-რაზმი, 3) საკავშირო რაზმი, 4) ტყვიამფრქვევთა რაზმი 5) საარტილერიო რაზმი და 6) მოწყალეების დების რაზმი (სანიტარული). თითოეულ რაზმს ჰყავდა გამოყოფილი უფროსი, რომლის განკარგულება თითოეული მოლაშქრისათვის სავალდებულო იყო. წინასწარ მოსამზადებელ მუშაობას აწარმოებდა ლაშქრობის მომწყობი კომისია კ. კავშირის სამხედრო წრის ხელმძღვანელის დახმარებით. ლაშქრობის ჩასატარებლად შეძენილ იქნა 400 ცალი „პუგაჩის“ ტყვია, 200 ცალი 12-კალიბრიანი ვაზნა და სხვა. წინასწარ მოსამზადებელ მუშაობას მოლაშქრენი ესწრებოდნენ უკლებლივ და მეცადინეობაზე მოდიოდნენ ნახევარი საათით ადრე.

26 ნოემბრის დღის 10 საათზე პიონერები და სამხედრო მოლაშქრენი თავს იყრიან ფიზკულტურის შენობაში და ემზადებიან სამხედრო მანევრებისათვის. მოლაშქრეთა რაზმები გაფაციცებით უვლიან თავის იარაღებს და ემზადებიან სამხედრო მანევრებისათვის, მაგრამ სანიტარული რაზმი იგვიანებს, რადგან ისინი გაემგზავრნენ სავადმყოფოში სხვადასხვა საჭირო ნივთების შესაძენად. უკვე 11<sup>1</sup>/<sub>2</sub> საათია. გამოჩნდა სანიტარული რაზმი. მოლაშქრენი მათ გამოჩენას ვაშის ძახილით შეხვდნენ. მოლაშქრეთა ყველა ნაწილი მზად არის, მოლაშქრენი გაყოფილი არიან ორ ბანაკად: თეთრების და წითლების. გამგზავრების წინ მოლაშქრეებს ესაღმებთან სამხედრო ლაშქრობის მომწყობი კომისიის წევრები, რის შემდეგ მოლაშქრენი თავისი დროშებით და იარაღებით მიემგზავრებიან პირველი მაისის მოედანზე, ქალაქის მთავარი ქუჩების გავლით. შემდეგ ეწყობა ორ ბანაკს შორის შეტაკება წითლების შემოტევით და თეთრების მიერ მათი მოგერიებით. ბრძოლა გრძელდება ორ საათს. მთელი წარმოებული პროცესის მსვლელობის დროს ავიონაწილები უშვებენ ფრანებს და თვითმფრინავების მოდელებს მოწინააღმდეგეთა ბანაკისაკენ. შეტაკება თავდება წითლების გამარჯვებით. თეთრების კოშკზე აფრიალდება წითელი დროშა, რის შემდეგ მწყრივებად მიემგზავრებიან ფიზკულტურის შენობისაკენ ქალაქის მთავარი ქუჩებით. განმეორებითი ლაშქრობა უნდა მოწყობილიყო 27 ნოემბრისათვის, მაგრამ ცუდმა ამინდმა შეგვიშალა ხელი.

პიონერი გ. კელია.



# პიონერ-ორგანიზაციის უმეოფემა.

## რა გავაკეთეთ თვენახევრის განმავლო- ბაში.

## სამაგალითო კოლექტივი.

ტფილისი, მეორე რაიონის მე-18 კოლექტივი.

წრევანდელი მუშაობა, შარშანდელთან შედარებით, კარგად მიმდინარეობს. შარშან კოლექტივის ხელმძღვანელს მთელი საათობით უხდებოდა ლაპარაკი დისციპლინის შესახებ და მთელი წლის განმავლობაში ამისთანა ლაპარაკმა არავითარი ნაყოფი არ მოიტანა. შარშან არ გვექონდა საკუთარი შენობა, არც გვექონდა კუთხეები, მაგრამ წელს ეს ყველაფერი გამოსწორდა. ხელმძღვანელს აღარ უხდება დისციპლინის შესახებ ლაპარაკი და ახლა მთელი მუშაობას კოლექტივის წინსვლას ანდომებს. ახლა კოლექტივში შეგვიძლია შევნიშნოთ ესა თუ ის კუთხე, გვეყავს ხუთი რგოლი პიონერების და ორიც ოქტომბრელების.

ხელს ექსკურსიით ვიყავით კახეთში, რამაც კარგი შედეგი მოგვცა: ექსკურსიამ როგორც პიონერები, ისე სკოლის ბავშვებიც მოიზიდა კოლექტივში. ამან შესაძლებლობა მოგვცა, რომ პიონერები ჩავაბათ მუშაობაში, მივცეთ დავალებანი და სხვა ამისთანები. გვაქვს კედლის გაზეთი, ყოველთვიური. აგრეთვე დავაარსეთ ავიაქიმის უჯრედი, რომელშიაც ირიცხება 27 წევრი; გვანდა გავხსნათ ტირი და შევიწავლოთ სამხედრო საქმე.

### გ. მუნჯიშვილი.

## ვან-სხლითის პიონერები

(შორაპნის მასრა).

ერთი წელია, რაც სოფელ ვან-სხლითში ჩამოყალიბდა პიონერთა ორგანიზაცია. კოლექტივში ირიცხება 75 პიონერი. ამათში არის 25 ოქტომბრელი; 2 არის მოჯამაგირე.

პიონერებმა მიიღეს მონაწილეობა მარგვლის კამპანიის ჩატარებაში, აგრეთვე დაეხმარნენ გლეხებს გზების შეკეთებაში. პიონერებმა ასწავლეს ორ ბავშს წერაკითხვა, შეადგინეს სოფლის მოსავლიანობის დიაგრამები (ამ წლის). პიონერებმა შეადგინეს სტატისტიკა სოფლის მცხოვრებთა კომლის.

სისტემატიურად გამოდის ჩვენს კოლექტივში პიონერთა გაზეთი; გამოშვებულია სულ 13 ნომერი. პიონერების მიერ მოწყობილი იყო ექსკურსია სამჯერ. დათვალიერებული იყო ქარხნები და ძველი ციხეები. მოწყობილი იყო აგრეთვე გაფრენა შვიდჯერ.

დაარსებულია პიკორთა წრე, რომელიც კარგ მუშაობას აწარმოებს.

ამ ხნის განმავლობაში პიონერების მიერ გაკეთებულია: თოხნი, ნაჯახნი, წერაქვი, ნამგალი, ჩაქუჩი და სხვა სამეურნეო იარაღები.

### ა. ფერაძე

ქ. ბორჯომის საბავშვო ბაღის კოლექტივი ერთ-ერთი სამაგალითოთაგანია მთელ რაიონში. პიონერთა რიცხვი საკმაოა და თითოეული წევრი აღჭურვილია პიონერული ცოდნით. გვაქვს კედლის გაზეთი, რომელიც სისტემატიურად გამოდის და აშუქებს კოლექტივის ცხოვრებას; რგოლების და კოლექტივის მეცადინეობას შეუწყვეტლად ვაწარმოებთ. გვაქვს საკმაო ლიტერატურა, ვატარებთ ფიზიკურ ვარჯიშობას და ვემზადებით დღესასწაულების ჩატარებისათვის. დიდ ყურადღებას გვაქცევს სარაიონო ნ. პ. ბიურო. ვუსურვებთ ჩვენს ხელმძღვანელებს შემდგომაც ასეთ ხელმძღვანელობას და კომუნისტური სულით ჩვენ აღზრდას.

### პიკორი პავლე ბლიაძე.

## 6. პიონერების მუშაობა სოფელ ახარაში.

(აფხაზეთი).

პიონერთა კოლექტივები იმდენად ახდენენ მასაზე გავლენას, რომ შეიჭრენ აფხაზეთის ყველაზე მივარდნილ კუთხეებში, თითქმის აფხაზურ სვანეთშიაც.

მისი ჩამოყალიბების დღიდან კოლექტივს აქვს ბევრი დადებითი მხარე თავის მუშაობაში, როგორც შინააღმშრდელობითი, ისე საზოგადოებრივ-პრაქტიკული.

დასაწყისში იყო ბევრი დაბრკოლება ადგილობრივ უჯრედთან პიონერ-კოლექტივის შესაქმნელად. ერთი მხრივ აფერხებდა საქმეს ის, ზოგიერთი პიონერი ძალზე მოშორებით ცხოვრობდა სკოლიდან, სადაც წარმოებს საკოლექტივო მუშაობანი, მეორე მხრივ—გლეხები არც ისე დიდს ნდობით უშვებდნენ თავის ბავშვებს, ვინაიდან ისინი დღესაც სავსე არიან ძველი ცრუმორწმუნეობით და მესამე—არ არის შეფი და წითელი კუთხე. მაგრამ ა. ლ. კ. კ. უჯრედის აქტიური მუშაობის და დახმარების მეოხებით ნ. პ. კოლექტივმა ნელ-ნელა დაახწია თავი დაბრკოლებებს. თუ დაარსების დროს მასში იყო მხოლოდ 13 პიონერი და არც ერთი გოგო. დღეს იქ 18 პიონერია და მათში სამი გოგო.

პიონერები შევლიან გლეხობას მათ ყოველდღიურ მუშაობაში. ქაზ სამკითხველოში პიონერები ეხმარებიან მექობნეს ქობის და სხვადასხვა კუთხის გამშვენიერებაში.

### პიონერი.



საქართველოს  
საბჭოთაო რევოლუციური  
საბჭო

# შევისსავლეთი პარტი სროლა.

თითოეულმა პიონერმა იცის, რომ საბჭოთა კავშირის გარშემო მდებარეობენ ბურჟუაზიული სახელმწიფოები. ისინი გამუდმებით იარაღდებიან და ახალი ომებისთვის ემზადებიან. მათი მიზანია ალაღ-გინონ ჩვენში ბურჟუაზიული რეჟიმი. ასეთი ამბავი რომ თავიდან ავიცილოთ, საჭიროა ჩვენი კავშირის გლახებისა, მუშების და საერთოდ ყველას სათანადო მომზადება, მომზადება იმ მხრივ, რომ თუ მართლა გაბედავენ და თავს დაგვესხმიან კაპიტალისტური სახელმწიფოები, ჩვენც მზად ვიყოთ მათ მოსაგერიებლად.

უნდა შევეცადოთ, რაც შეიძლება ბევრი კარგი მსროლელი გვყავდეს. სროლის კარგად შესწავლას ბევრი დრო სჭირდება, წითელარმიელის სამსახურის ვადა კი მცირეა; ორი წლის განმავლობაში წითელარმიელს არ შეუძლია სამხედრო საქმის ყოველმხრივ შესწავლა, ამიტომ სროლის საქმე უნდა ისწავლებოდეს წვევამდე და უნდა გრძელდებოდეს ჯარში სამსახურის გათავების შემდეგაც. სროლის შესწავლის საქმეს თუ ასე მოვაწყობთ, მაშინ წითელარმიელის მცირეხნოვანი სამსახური საქმეს სრულიად არ ავნებს და ნამდვილ სამსახურში კარგი მსროლელი შეინარჩუნებენ ასეთ უნარს მთელი სიცოცხლის განმავლობაში. სროლის საქმეს მშრომელი მოსახლეობისათვის დიდი მნიშვნელობა აქვს არა მარტო თავდაცვის მხრივ: საბჭოთა კავშირში აუარებელი ტყე და მინდორია; მთელი ტერიტორია სავსეა ნადირებითა და გარეული ფრინველებით. ჩვენ ვიცით, ზოგიერთ ნადირს სასოფლო მეურნეობისათვის რა დიდი მავნებლობა მოაქვს.

ნადირის წყალობით მთელს კავშირში ყოველწლივ ათასობით იღუპება შინაური ცხოველები. თუ ვინდა ეს დამლუბველი გარემოება თავიდან ავიცილოთ, ამისათვის საჭიროა ჩვენმა გლეხობამ იცოდეს თოფის მოხმარება, ე. ი. კარგი სროლა. წინააღმდეგ შემთხვევაში, რასაკვირველია, ნადირის გაფრთხობასაც კი ვერ შეძლებენ. ამავე დროს უნდა იცოდენ აგრეთვე, რომ მონადირეობას ადამიანისათვის დიდი სარგებლობის მოტანა შეუძლია. საბჭოთა კავშირის ტყეები და მათში მოხეტიალე აუარებელი ნადირი სიმდიდრის დაუშრეტელ წყაროს წარმოადგენენ. საჭიროა მხოლოდ ამ სიმდიდრის წყაროს გამოყენება, რაც მხოლოდ კარგი სროლის საშუალებით მოხერხდება. ჩვენმა გლეხობამ ეს სიმდიდრე ჯერჯერობით ფართოდ ვერ გამოიყენა და შემოსავლის ამ საუკეთესო წყაროს უყურადღებოდ

სტოვებს. მონადირეობისათვის ხელსაყრელ პირობებს განსაკუთრებით ხამთარი წარმოადგენს, რადგანაც მაშინ მტაცებელი ნადირები გამოდიან ბუნაგებიდან და სოფელს მიატანენ საკვების საშოვრად. ამ დროს სოფლის ზარალი დიდია ნადირებისაგან და მონადირეობას სწორედ ამ დროს ეძლევა დიდი მნიშვნელობა. ამჟამად საქართველოში არსებობს მონადირეთა კავშირი, რომელსაც შემოხსენებული უბედურების აშორებაცა აქვს წესდების მიზნად. აუცილებელ პირობას წარმოადგენს ნადირობისთვის მარჯვე და სხარტი სროლა, ამას კი მივახვევთ სროლაში დახლოვებით, რაიც შეიძლება მეცადინეობათა ჩატარებით. მაშასადამე, აქ შეიძლება დავსვათ საკითხი: საჭიროა თუ არა შევისწავლოთ კარგი სროლა? პასუხიც მარტივია: რასაკვირველია, საჭიროა. თუ დასახული მიზნის მიხედვით გვსურს, მაშინ უპირველესად ყოვლისა უნდა შევითვისოთ თოფის მოწყობილობა და მისი მოვლა-მოფრთხილება და საზრიანი მოხმარება.

ჩვენი შაშხანა (იხ. 1. ნახ.) ხუთი ვაზნით იტენება. სიმძიმე მისი ათ გირვანქა ნახევარზე ცოტათი მეტია. ტყვია შაშხანაში განსაკუთრებულ ხრახნილოვან ღარებში მისრიალებს, ამიტომაც რომ მას ეძახიან ხრახნილოვან შაშხანას. ამ ღარების გამო შაშხანას შეუძლია ტყვიის ოთხ ვერსამდე მიტანა, თუმცა საუკეთესო გასროლად ითვლება ექვსას ნაბიჯამდე. გამოცდილ მსროლელს უფრო შორ მანძილზეც შეუძლია ისროლოს, ოღონდ კი მიზანი თვალთ დაინახებოდეს. შაშხანით საუკეთესო მსროლელს შეუძლია 10—12 ჯერ ზედი-ზედ მარჯვედ მოახვედროს. სამხაზოვანი შაშხანა ყოველთვის მზადაა მოქმედებისათვის.

საჭიროა ვიცოდეთ შაშხანას ნაწილები; შაშხანას აქვს შემდეგი ნაწილები:


**ლულა**, რომელიც ტყვიას მიზნისკენ მიჰპართავს. ამ ლულის შიგნით ხრახნილოვანი ღარებია, რომლის საშუალებით ტყვია შორს მიდის. ლულაზე მიხრახნილია **ლულის კოლოფა**, რომელშიც ჩახმახი იდება.

**ამხსლექ-საკავებელი** მიმაგრებულია ლულის კოლოფაზე. მისი დანიშნულებაა ჯერის ვაზნა გამოაცალკეოს და გასროლილი მასრები გადმოაგდოს.

**ვაზნკოლოფა** მიმაგრებულია ლულის კოლოფაზე; ვაზნკოლოფაში თავსდება მომწოდებელი მექანიზმი და აგრეთვე ოთხი ვაზნა (მესამე სავაზნეშია).

**მსხლეტას მექანიზმი** აწარმოებს გასროლას. **კორა და ნიშანი**—მიზანში ამოსაღებადაა. **ჩახმახი** წასწევს ვაზნას, ჩაპკეტავს ლულას გასროლის დროს, ააფეთქებს ფისტონს და ამოპყრის ხოლმე მასრებს. მომწოდებელი მექანიზმი ამოსწევს ვაზნებს ვაზნკოლოფადან.

**თოფის ხე და ლულის ზესადები** შეაერთებს შაშხანის ნაწილებს და იფარავს მსროლელის ხელებს დაწვისაგან. ამათ გარდა მოიპოება: ხიშტი ჩხვლეტისათვის, ხელშესაწყო (ხრახნილები და სალტები), რომელიც ნაწილების შესამაგრებელია, და მოწყო-



ნახ. 1.

ბილობა შაშხანის წმენდისთვის. ვისაც სურს შაშხანის დაწვრილებით გაცნობა, იმან უნდა ნახოს შაშხანა. ის დაინახავს, რა რისთვის არის, ყველაფერს დაათვალიერებს და ყველაფერს გასინჯავს.

სიფრთხილით უნდა მოვეციდოთ შაშხანას, როდესაც აწყობასა და დაშლას ვაწარმოებთ, რომ შაშხანის რომელიმე ნაწილი არ გავაფუქოთ. ყველაზე უფრო ხშირად ფუქდება ხრახნილები. ხრახნილები უნდა მოვუშვათ რიგიანი საშალით. ფართო პირით უნდა მოვუშვათ დიდი ხრახნილები, მსხლე-

ტას აშკის ხრახნილი, სადგნობის კულის ხრახნილი. დანარჩენების მოშვება ვიწრო პირით შეიძლება.

საშალი უნდა გეჭიროსთ შვეულად და ხელის-გულის რბილი ნაწილით მაგრად უნდა დააწვეთ მას. ხრახნილი უნდა ჩახრახნოთ ხოლმე უკუბჯენამდე (მთლად), მაგრამ თანაბრად და მსუბუქად. ამ დროს მძაფრ მოძრაობას უნდა გაუბოძდეთ, წინააღმდეგ შემთხვევაში ადვილად შეიძლება ხრახნილზე და ბუდეში დანახრახნები წაამტვრიოთ.

შაშხანის დაშლა და აწყობა ყველაზე უკეთესია მაგიდაზე; მაგრამ ეს ყოველთვის მოსახერხებელი არაა; ომიანობისა და ნადირობის დროს ასეთი დაშლა და აწყობა ხშირად გვიხდება ხოლმე მინდორზე; ასეთ შემთხვევაში აუცილებელია გასაფენი რამ; დაუშვებელია შაშხანის ნაწილების დადება მიწაზე.

საერთოდ შაშხანის დაშლა წარმოებს შემდეგი წესრიგით: 1. მოიხსნება ხიშტი. 2. ამოიხრახნება და ამოიღება ზუშბა. 3. ამოიღება ჩახმახი და აქვე დაიშლება იგი. 4. მოიხსნება ლულის ზესადებელი. 5. ლულა მოშორდება თოფის ხეს. 6. ვაზნკოლოფას სახურავი მომწოდებელი მექანიზმიანად განცალკევდება. 7. მსხლეტას მექანიზმი განცალკევდება და დაიშლება. შაშხანის სხვა ნაწილების დაშლა არაა საჭირო; მათი დაშლა თოფის სახელოსნოს საქმეა.

შაშხანის აწყობა ხდება წინაუკმო წესრიგით.

განსაკუთრებით სიფრთხილე გვმართებს ხიშტის ჩამოცმის დროს, რომ **შაშხანის ნიშანი არ დაზიანდეს** და არ გაფუქდეს. მოუფრთხილებელი დარტყმით შეიძლება მისი დაძეწკვა ან მიწვე-მოწვევა.

თოფის ხეზე სალტეებით მოქერის დროს ყური უნდა ვუვდოთ, რომ ძალიან მაგრად არ მოეჭიროს, მაგრამ არც მათი ფართალია დასაშვები. ყველაზე მეტ ყურადღებას მოითხოვს ჩახმახის აწყობა: თოფის ფეხის მიხრახნის დროს ნემსას სარტყმელა ხეს უნდა დაეყრდნოს, წინააღმდეგ შემთხვევაში შეიძლება სარტყმელა მოიდრიკოს და შაშხანაც სროლისათვის გამოუსადეგარი გახდება. ჩახმახის აწყობის შემდეგ სარტყმელას გამოწვევა უნდა შემოწმდეს: იგი შეიძლება ნაკლები იყოს ან ბევრად მეტი. ორივე შემთხვევაში საჭიროა საშალის დახმარებით მისი ამონაკვეთების გამოყენებით სარტყმელი ჩაიხრახნოს, ან ამოიხრახნოს.



# ცნობები რადიოს შესახებ.

რადიოს მოყვარულ თითოეულ ბავშს დაემა-  
დებოდა ასეთი კითხვა:

„ვინაიდან დედამიწაზე არის ბევრი ათასი რა-  
დიოსადგური, მაშ როგორ ხდება, რომ იმათი მუ-  
შაობა არ აირევა ერთმანეთში?“

ავიხსნით, როგორ დაძლიეს ეს ძირითადი დაბ-  
რკობება რადიოს მეცნიერმა მუშაკებმა.

როგორ მუშაობენ რადიოსადგურები ერთსადა-  
იმავე დროს ერთმანეთში აურეველად?

სრულიად ბუნებრივია ვაგიკვირდეთ ის, თუ  
როგორ შეიძლება მაშინ, როცა მსოფლიოს სხვა-  
დასხვა ადგილას მუშაობს ასე ბევრი სადგური, მი-  
იღო ცნობა აურეველი და მკაფიო, დაუკრუებელი  
სხვა ცნობების მიერ. თქვენ, რასაკვირველია, წარ-  
მოდგენილი გაქვთ, რომ უნდა მიიღოთ სრული გა-  
ურკვევლობა, იმისდაგვარი, რაც ხდება, როდესაც  
ოთახში რამოდენიმე კაცი ლაპარაკობს ერთსადაიმავე  
დროს. მაგრამ საქმე აქ სულ სხვაგვარადაა. ვადა-  
მცემი რადიოსადგურების ძლიერ დიდ რიცხვს შე-  
უძლია იმუშაოს ერთსადაიმავე დროს და, თუ გაქვთ  
მიმღები, თქვენ შეგიძლიათ მიიღოთ ცნობა რომე-  
ლიმე ერთ-ერთი სადგურიდან თქვენივე არჩევით,  
სრულიად დაუბრკოლებლად სხვების მხრივ.

რა გზით ვარჩევთ ერთ რადიოსადგურს მე-  
ორესაგან? გიპასუხებთ: მის მიერ ხმარებულ ტალღა-  
თა სიგრძით. სადგურთა თითოეულ ჯგუფს მიკუთვ-  
ნებული აქვს არა მარტო „გამოსაძახებელი“, არა-  
მედ, ვარეშე ამისა, კიდევ განსაზღვრული სიგრძის  
ტალღაც, ე. ი., სხვა სიტყვებით რომ ვთქვათ, ყვე-  
ლა ცნობა, გაზაფხნილი მონაცემი სადგურიდან, ვადა-  
იცემა სპეციალურად მისთვის განსაზღვრული სიგრ-  
ძის ტალღებით. გემების ყველა სადგურს მითვისე-  
ბული აქვს ერთნაირი—600 მეტრის სიგრძის—  
ტალღები. ნაპირების რადიოსადგურები, რომლებ-  
თანაც ხშირი ურთიერთობა აქვთ გემებს, ანუ „ემუ-  
შაგებიან“ მათ, ავზაფნიან აგრეთვე 600 მეტრის  
სიგრძის ტალღებს. სამოქალაქო ავიაციის რადიო-  
სადგურები ჩვეულებრივად სარგებლობენ 900-მეტ-  
რიანი ტალღებით, და ჰაეროპლანები, რომლებიც  
აკეთებენ სწორ რეისებს რეგულიარული საჰაერო  
გზებით, ხმარობენ აგრეთვე 900-მეტრიან ტალღებს.  
ამინდის შესახებ ბიულეტენების გამგზავნი საჰაერო  
უწყების დედამიწაზე მყოფი სადგურები ხმარობენ  
1.500-მეტრიან ტალღებს. პარისსა და ლონდონს  
შორის სწორი ურთიერთობის მქონე რადიოსადგუ-  
რები ყოველთვის ხმარობენ 3.800-მეტრიან ტალ-

ღებს. ამერიკასთან მომუშავე გერმანიის რადიოსა-  
დგური ბერლინში სარგებლობს 12.000-მეტრიანი  
ტალღებით და, ბოლოს, ქვეყნიერების სხვადასხვა  
ნაწილებთან მომუშავე დიდი ფრანგული სადგური  
ბორდოში სარგებლობს 23.000 მეტრის სიგრძის  
ტალღებით.

ეს მხოლოდ შემთხვევით აღებული ადგილებია,  
მაგრამ თითოეული დიდრონი რადიოსადგურის-  
თვის, ან თითოეული ერთმანეთთან მომუშავე წყვი-  
ლი სადგურებისთვის საერთო წესადაა მიღებული,  
ყველა სხვებისაგან განსხვავებული, განსაზღვრული  
სიგრძის ტალღების ხმარება.

სხვათა შორის, გემების სადგურებზე მიღებუ-  
ლია ერთნაირი სიგრძის ტალღის ხმარება. ფარ-  
თედმაუწყებელი სადგურები, რომელთა გადაცე-  
მაც თქვენ შეგიძლიათ მოისმინოთ თქვენსავე სახლ-  
ში, მუშაობენ დაბალი სიგრძის ტალღებზე და ისინი  
სხვა ტალღებში არ ირევიან.

მიმღებ რადიოსადგურში მყოფ კაცს შეუძლია  
მოაწყოს თავისი წყოსი იმგვარად, რომ მას შეეძ-  
ლება ერთი განსაზღვრული სიგრძის ტალღების რა-  
დიო-ნიშნების შეგრძნება; ამგვარ მოხელოვნებას  
წყოსისა ტალღების განსაზღვრულ სიგრძესთან „აწყ-  
ყობა“ ეწოდება.

თუ თქვენ გსურთ მიიღოთ ფართედმაუწყებლის  
ცნობა, მაშინ თქვენ უნდა მომართოთ თქვენი ხელ-  
საწყობ ტალღების იმ სიგრძეზე, რომლიდანაც ფარ-  
თედმაუწყებელი სადგური ჰგზავნის თავის ამბებს.

თუ, მეორეს მხრივ, თქვენ გინდათ მიიღოთ  
რადიო-ტელეგრაფის ცნობები, რომლებსაც გემები  
უგზავნიან ერთიმეორეს ან სანაპირო რადიოსად-  
გურებს, მაშინ თქვენ მოგიხდებათ თქვენი წყოსის  
მომართვა 600 მეტრის სიგრძის ტალღაზე და თუ კი  
ერთხელ წყოსი აწყობილია თქვენ მიერ არჩეული  
ტალღის სიგრძეზე, მაშინ ყველა, სხვა სიგრძის ტალ-  
ღები ჩაუვლიან გვერდს თქვენს რადიოსადგურს  
თქვენს მიღებაზე რაიმე მოქმედების მოუხდენელად.

აქ, სხვათა შორის, საქირთა განვმარტოთ ერ-  
თი რამ: ვამორკვეულია, რომ არ არის არავითარი  
შესაძლებლობა მივახწიოთ იმას, რომ რადიომიმ-  
ღები შეიგრძნობდეს (იღებდეს) მხოლოდ მეტად  
განსაზღვრულ ერთი სიგრძის ტალღას. საქმის ახ-  
ლანდელი მდგომარეობის გამო სადგური, აწყობილი  
450 მეტრის სიგრძის ტალღებზე, მიიღებს აგრეთვე  
რადიონიშნებს, რომლის ტალღის სიგრძე რამოდენ-  
იმედ მეტი ან ნაკლებია 450 მეტრზე. ასე, მაგა-

ლითად, თუ გადასცემი სადგური მუშაობს 445 მეტრიან ტალღებზე, მაშინ მოსალოდნელია, რომ ამისი ნიშნები შეიგრძნობიან აგრეთვე თქვენ მიერაც.

ძირითადი აზრით, მომართვა რადიონიშნებისთვის შეგვიძლია შევადაროთ ნიშნების ჰაერით გაზაფხანას სასტვენის საშუალებით.

თუ თქვენ გადასცემთ ცნობას მორბეს კოდზე მაღალი ხმის მიმცემი სასტვენით, მაშინ მიიღებინ ბგერათა მოკლე ტალღები; თუ ცნობა იცემა დაბალი ხმის სასტვენით, მაშინ მიიღებინ უფრო გრძელ-ტალღებიანი ბგერები.

თუ ორი კაცი გაძლევსთ ნიშნებს ერთსადა-იმავე დროს, რის დროსაც ბგერა სასტვენისა ერთს აქვს მაღალი, მეორეს კი დაბალი, მაშინ, ექვს გარეშეა, თქვენ შესძლებთ შეიგრძნოთ მორბეს ნიშნები ერთსაგანაც და მეორესაგანაც, ერთიმეორეში აურევლად. ადამიანის ყური არ შეიძლება მოიმართოს ერთი რომელიმე განსაზღვრული ხმის სიმაღლეზე, რადიომიმღები კი შეიძლება მომართოთ ისე, რომ მან მიიღოს ნიშნები მხოლოდ გრძელი ტალღებით და ამავე დროს სრულიად არ მიაქციოს ყურადღება მეორე სადგურის მოკლე ტალღებს.

სინათლის სხივებთან რადიოს შედარებით ვხედავთ, რომ უკანასკნელ შემთხვევაში ცნობები, გადაცემული სოსანი (იისფერი) ფერის საშუალებით, შესაძლებელია გავარჩიოთ წითელი ფერით გადაცემულისაგან. ადამიანის თვალს შეუძლია შეიგრძნოს ამ სხვადასხვა ფერით შეღებილი სინათლის სიგრძე და სხვაობა. რადიოში კი ჩვენ გვაქვს შესაძლებლობა გავიგოთ არა მარტო განსხვავება ორ მომუშავე სადგურს შორის, არამედ, უმეტეს შემთხვევაში, ნამდვილად შეგვიძლია ვაწყუთ, ან მოვახელოვნოთ ჩვენი აპარატი ისე, რომ იმან მიიღოს ნიშნები მხოლოდ ერთი სადგურიდან, მეორის სრულიად გამოკლებით. ტალღების განსაზღვრულ სიგრძეზე მოსამართი ხელსაწყოს აღწერილობა მოთავსებულია ქვემოთ, ჯერ კი საკმაოა შევნიშნოთ, რომ შესაძლებელია ერთსადაიმავე დროს ვამუშაოთ სადგურთა დიდი რიცხვი, და ისინი არ შეუშლიან ხელს ერთიმეორეს, თუ ცნობების გადასაცემად თითოეულ მათგანს მივათვისებთ საკუთრივ განსაზღვრული სიგრძის ტალღებს, მიღებ სადგურზე კი გვექნება წყოსი, რომელიც შესაძლებელია მოიმართოს განსაზღვრული სასურველი სიგრძის ტალღების მისაღებად.

სრულიად უბრალო წყოსი იქნება შემგრძნები ელექტრომაგნიტული ტალღებისა, რომელთა სიგრძეც ირჩევა, ვთქვათ, 300-დან 600 მეტრის ფარგლებში; რამდენიმედ უფრო რთული და ძვირფასი წყოსი მოგცემთ თქვენ საშუალებას მიიღოთ ტალღები 300 დან 10.000 მეტრამდე. ბოლოს, კიდევ უფრო გაუმჯობესებული წყოსი შეგვიძლია მიიღოთ რადიო-პრაქტიკაში გამოყენებული სხვების მიერ სიგრძის ტალღები, ე. ი. მათგან რომ ვთქვათ, 200-დან 25.000 მეტრამდე.

რადიომიმღების განსაზღვრული სიგრძის ტალღებზე მომართვა შეიძლება შევადაროთ როიალის, ან სკრიპის სიმების აწყობას.

როდესაც თქვენ აწყობთ როიალის სიმებს, თქვენ გაქვთ ნიმუში შედარებისთვის, ჩვეულებრივ - ეგრეთწოდებული კამერტონი. როიალის სიმზე დარტყმით ის გამოსცემს ამა თუ იმ ბგერას, მათეულის სიგრძისა და სისქის და აგრეთვე მისი გაქმვის მიხედვით. სხვა სიტყვებით, ჩვენ შეგვიძლია როიალის სიმები მოვმართოთ ისე, რომ ის გვაძლევდეს განსაზღვრული სიგრძის ბგერათა ტალღებს.


მსგავსად ამისა, შეგვიძლია მოვმართოთ გადასცემი რადიოსადგური განსაზღვრული სიგრძის ტალღის გასაგზავნად და აგრეთვე ჩვენი რადიომიმღებიც - განსაზღვრული, სასურველი სიგრძის ტალღის ნიშნების მისაღებად.

შესაძლებელია მოვახდინოთ აწყობის მეტად საინტერესო ცდა, წინასწარ სხვადასხვა ხმაზე აწყობილ 4 ან 3 კამერტონის ერთ ხაზზე დადგმით. თუ ახლა ჩვენ შევეხებით რითმე რიგში დადგმული ერთ-ერთი კამერტონის ხმის სიმაღლეზე დაყენებულ რომელიმე სხვა კამერტონს, მაშინ თითოეული მათგანისთვის ყურის დაგდებით შევამჩნევთ, რომ კანკალებს და გამოსცემს სუსტ ხმას მხოლოდ ერთი კამერტონი, აწყობილი იმ კამერტონის ხმაზე, რომელსაც შევეხეთ. ამ მბგერავ კამერტონს პირდაპირი შემოკვრა არ განუცდია, მაგრამ იმ კამერტონის ბგერის ტალღები, რომელსაც შემოვკარით, სხვა კამერტონების მახლობლად გავლის დროს აიძულდებიან იკანკალოს მხოლოდ ერთმა მათგანმა, მონაცემ ხმაზე აწყობილმა.

ამის მსგავსი სურათი გვაქვს ჩვენ რადიოშიც. წარმოვიდგინოთ, რომ ფართედმაუწყებელი სადგური ჰგზავნის 400 მეტრის სიგრძის ტალღებს, მეზობლად მყოფი მოყვარულთა ოთხი სადგური კი იღებს ამავე დროს ცნობებს. ამ სადგურებიდან მხოლოდ ერთია აწყობილი ფართედმაუწყებელი სადგურის ტალღის სიგრძეზე, დანარჩენი სამი კი სათანადოდ არიან მოწყობილი ცნობათა მისაღებად ბერლინიდან, პარიზიდან და შოტლანდიიდან.

უკანასკნელი სამი სადგური სრულიად ვერაფერს ვერ მოისმენს იმ კონცერტიდან, რომელსაც იძლევა ფართედმაუწყებელი სადგური, მაშინ, როცა პირველი, სპეციალურად აწყობილი, მოისმენს მხოლოდ კონცერტს, მაგრამ ვერცერთი დიდი სადგურიდან ვერაფერს ვერ გაიგონებს.

ცხადია, რომ თუ რადიომოყვარულთა დიდ რიცხვს უნდა მიიღოს 400-მეტრიან ტალღებზე მიმდინარე რადიო-კონცერტი ან ლექცია, მაშინ ყველა მათგანს მიმღები წყოსები ზუსტად უნდა ჰქონდეს აწყობილი, რადგან სხვა მხრივ ისინი ვერ შეიგრძნებენ ნიშნებს.



# თ ა მ ა უ ო ზ ა ნ ი .

## რამელასი.

**მოთამაშეთა რიცხვი** — იმისდა მიხედვით, თუ რამდენი ალამია ფიცარზე: მაგალითად, თუ ერთი ფიცარია (ფანერკა) და მასზეა 8 ალამი, ორივე მხარეს (იქით-აქეთ) უნდა იყოს რვა-რვა მოთამაშე, თუ 16 ალამია — მოთამაშე იქნება 32.

**სათამაშო ადგილი** — მოედანი ან მოზრდილი დარბაზი.

**თამაშის ხელსაწყოები.** რამოდენიმე ფიცარი ან სქელი კარტონი, ერთი მეტრი კვადრატში, რომელსაც ზავი საღებავით ყოფენ 8 ან 16 ნაწილად, ციხის პრტყელი მესერის მსგავსად. წითელი ალმების ჩასარქობად თითოეული ოთხკუთხედის ცენტრში უნდა გაკეთდეს რგვალი ხვრელი, რომლის დიამეტრი ორი სანტიმეტრი უნდა იყოს.

ფიცრის დაფა შეიძლება რამოდენიმე იყოს. დაფას უნდა გაუკეთდეს დასადგამი ფეხები,  $\frac{1}{4}$  მეტრის დაშორებით იატაკიდან.

დაბრკოლებას წარმოადგენს გაქიმული თოკი, რომელზედაც უნდა გადახტენ მოთამაშენი, ანდა მაგიდა, სკამი და სხვა რამ ნივთი.

**მოთამაშეთა განაწილება.** მოთამაშენი ორ ჯგუფად იყოფიან, ერთი მათგანი წარმოადგენს კომუნისტურ პარტიას, მეორე კი ფაშისტებს.

ორივე ჯგუფი ეწყობა მოედნის ბოლოებში. 20—30 ნაბიჯის მანძილზე მოედნის ცენტრიდან, სადაც აწყვია პრტყელი ვიწრო ფიცრები ერთ სწორ ხაზზე; სამ-სამი ნაბიჯის დაშორებით ერთმანეთისაგან. ამ პრტყელ ფიცრებში, როგორც ზემოთ იყო ნათქვამი, დასობილია წითელი ალმები.

ეს პრტყელი მესერი (ფიცრები), წარმოადგენს ციხეს, ხოლო წითელი ალმები კი მასში ჩამწყვდეულ რევოლუციონერებს.

**თამაშობის მიზანი.** კომუნისტებმა უნდა ისარგებლონ „ფაშისტების“ უყურადღებობით და გაათავისუფლონ დატუსაღებული რევოლუციონერები.

**თამაშის აღწერა.** კომუნისტური პარტია გამოჰყოფს რაზმს, რომელიც იყოფა რევოლუციონურ სამეფლებად (სამი კაცი ერთ ფიცარზე), დატუსაღებული კომუნისტების განთავისუფლების მიზნით. თავის მხრივ „ფაშისტებიც“ გამოჰყოფენ ასეთ-სავე რიცხვს თავისი რიგებიდან, რომ ხელი შეუშალონ კომუნისტების განთავისუფლების საქმეში.

თითოეული კომუნისტის ამოცანა იმაში მდგომარეობს, რომ გაათავისუფლოს დატუსაღებული ამხანაგები (ალამის წაღებით) და მოწყობილი და-

ბრკოლების გადალახვით (თოკზე გადახტება) მშვიდობით მიიტანოს ალამი თავის საზღვრამდე.

„ფაშისტის“ ამოცანას შეადგენს კომუნისტების განთავისუფლების ხელის შეშლა და ალამის წაღების დროს წაძლების დადაღვა მის საზღვრამდე.

თამაში იწყება განკარგულებისთანავე, ანდა როდესაც კომუნისტები საზღვარს გადალახავენ და ცენტრისაკენ წამოვლენ. იმ წამსვე გამოყოფილი „ფაშისტებიც“ წამოვლენ მოედნის ცენტრისაკენ, რომ შეუშალონ ხელი კომუნისტებს ამხანაგების განთავისუფლებაში. მაგრამ „ფაშისტებს“ არა აქვთ უფლება შეეხონ კომუნისტებს, ვიდრე ეს უკანასკნელები არ შეეხებიან ფიცრებში ჩარქობილ წითელ ალმებს. სწორედ ის გარემოება, რომ „ფაშისტებს“ არა აქვთ უფლება შეეხონ კომუნისტებს, ვიდრე ისინი არ მოჰკიდებენ ხელს ალმებს, აძლევს კომუნისტებს საშუალებას მოატყუონ ხოლმე „ფაშისტები“ და ისარგებლონ რა ამ პროცესით, სწრაფად მოაძრონ ალამი და გაიქცენ თავისი საზღვრისაკენ. ალამის აღებამდე კომუნისტებს სრული უფლება აქვთ იმოძრაონ ისე, როგორც მოესურვებათ, და თავისი მოძრაობით შეცდომაში შეყვანონ ხოლმე „ფაშისტები“. კომუნისტების ყველა მოძრაობას უნდა მიჰბაძონ „ფაშისტებმაც“. მაგალითად, კომუნისტმა გამოსწია ხელი ალამისაკენ და მიუახლოვდა მას, — „ფაშისტიც“ მასვე მოიქმედებს. კომუნისტი ხელს თავზე დაიდებს — „ფაშისტიც“ მასვე მიბაძავს.

კომუნისტს უფლება აქვს, თუ ხედავს, რომ ალამის მოტაცებას ვერ ახერხებს, ისევ გაიქცეს თავის ბანაკში, შეეხოს ხელით რომელიმე თავის ამხანაგს და დაბრუნდეს უკან. მაშინ მისი მოწინააღმდეგე ვალდებულია დაბრუნდეს „ფაშისტების“ ბანაკში, ხელით შეეხოს თავის ამხანაგს და ისევ დაბრუნდეს, რომ ხელი შეუშალოს კომუნისტს ამხანაგის განთავისუფლებაში.

თუ კომუნისტმა მოახერხა ალამის ამოძრაობა, დაბრკოლების გადალახვა და შინ მშვიდობით დაბრუნება, მისი მოწინააღმდეგე „ფაშისტი“ მიდის კომუნისტებთან ტყვედ.

პირიქით, თუ კომუნისტი განთავისუფლებული ამხანაგით (ალმით) დადაღა „ფაშისტმა“, კომუნისტი ტყვედ წავა ფაშისტებთან, ხოლო წითელი ალამი ისევ ბრუნდება თავის ადგილზე.

ტყვედწაყვანილები თამაშში აღარ მონაწილეობენ და თამაში თავდება მაშინ, როდესაც ერთი ჯგუფი შესძლებს მეორის დატყვევებას.

გამოდის 1928 წ. გამოდის

თრკვირული საშინაო სასურათო

ქურნალი

მოზრდილთათვის

პიონერი

წელიწადი III

ქურნალი ს. ს. ს. რ. შველა სკოლისათვის სავალდებულოა.

ლენინის სახელობის საქართველოს ბავშთა კომუნისტური ჯგუფების ეოველი წევრის, ორგანიზაციის ეოველი კოლექტივის, ბავშთა კომუნისტური მოძრაობის თითოეული ხელმძღვანელის, ბიბლიოთეკების და სამკითხველოების ვალდებულად ბაა გამოიწერონ

პიონერი

მიიღება ხელმოწერა 1928 წლისათვის.

ქურნალი ღირს გადაგზავნით:

- წელიწადში — 5 მან.
- ექვს თვეს — 3 მან.
- სამ თვეს — 1 მან. 50 კაპ.

სალკე ნომერი — 25 კაპ.

მისამართი: ტფილისი, რუსთაველის გამზირი, № 23, სახელოგამი (მესამე სართული). „პიონერი“ და „ნაპადული“-ს რედაქცია.

ელსმენი — 23 — 16

რედაქტორი — სარაღაქიო კოლევიკი.